

晚晴籟詩匯

第三十册

晚晴彳詩匯卷七十五目錄

阿桂 六首

祝維誥 九首

羅文思 一首

許鉞 三首

唐文炳 二首

羅元琦 二首

張九鍵 一首

邊中寶 七首

包彬 九首

徐金楷 四首

程景伊 三首

裘日修 八首

涂逢震 一首

羅國俊 一首

儲麟趾 一首

卜甯一 一首

梁啟心 九首

蔣麟昌 四首

鞠遜行 一首

陳中龍 一首

索祿 一首

徐垣 一首

梁善長 二首

曾尙增 二首

舒瞻 九首

楊鸞 九首

孫良貴 三首

凌樹屏 五首

申甫 三首

法坤宏 二首

田志蒼 一首

戴喻讓 一首

趙由儀 七首

湯然 一首

李繩 二首

王垣 一首

吳可馴 四首

朱仕玠 一首

成懷祖 一首

晚晴簃詩匯卷七十五

徐世昌

阿桂字廣庭號雲巖滿洲旗人乾隆戊午舉人官至武

英殿大學士封一等誠謀英勇公贈太保諡文成

詩話文成數歷中外受命遠征定新疆平金川討廓爾喀三次圖象紫光閣入掌絲綸久參樞密功大心小欽欽翼翼始終恩禮不渝乾隆中葉後耐圍致齋先後秉鈞康雍以來清明嚴肅之政於茲稍替其所讀心悟諸篇知勳業恨於儒術詩亦光明俊偉爲有德之言

感懷用蘇文忠公寄量美叔韻

少小重意氣局踳皆前賢  
惟知一往樂誰能計萬全  
而今衰老矣狂直多棄捐  
心迹聊自慰功成付與天  
百憂如蝟集擾擾白髮年  
雖塵生還想甯知口碑傳  
胡不賦歸去恣

意窮芳鮮松竹蔭我廬朝昏飽雲煙涇渭自清濁美醜何  
憎妍不見亦不聞幽谷長日眠擷彼南山茶松枝活火煎  
一甌滌內熱快意耽靜便豈必覓丹砂妄與神仙緣醉鄉  
亦復好遑惜囊無錢

話舊贈錢冲齋觀察

憶昔承師範蕭齋只兩人始從親研削直至命冠巾經歷  
風波險甘同疏水貧十年情意重愛我比祥麟  
絕域言旋後年華屈指中我方依禁闈君正董河工意氣  
芝蘭臭行蹤牛馬風天山同漢水契闊更西東  
三載征蠻府天涯笑語溫晨昏欣共數冷暝不須論話舊  
成塵影籌邊驗淚痕相期崇令德努力念師門

伊犁軍營

欲掃妖氛淨巖疆戰不休人猶爭馬革天已厭旄頭刁斗  
三更月關山萬里愁渠魁何日滅非直爲封侯

大軍次永昌有作

王師毋盡殺脅從貸餘生一將功何有千軍怒未平投戈  
收戰骨撤幕返春耕仰喜皇心慰邊陲已息兵

祝維誥字宣臣號豫堂秀水人乾隆丙辰舉博學鴻詞

戊午舉人官內閣典籍有緣谿詩鈔

詩話豫堂與錢蔣石王受銘朱偶圃陳乳巢號南郭  
五子詩宗西江而去其生澀宏肆類竹垞雅潔儷秋  
錦至其凌轆波濤穿穴險固獨往獨來自成馨逸有  
拔戟刺壘於兩家之外者詩彙初經王蘭泉侍郎點  
定後至道光間其曾孫子度官畿輔始乞朱小雲觀  
察刪存二卷與明甫孝廉西澗詩鈔同時付刻蓋尙  
非全帙也

閒立

短籬數家成小村老樹隔水蟠雲根晚來叉手傍檐立九  
十九峯青到門

二月十五日尋春過偶圃憶朱大

暝風到處動吟魂芳草閒尋近郭村黃耳隔籬能認客蒼  
頭劇筍自開門春留元亮花三徑飲乏劉伶酒一尊迢遞  
京華游子在旗亭新唱與誰論

永平府

北平古郡鎮幽燕城外連峯際碧天孤竹祠荒雲木杳灤  
河水駛石梁偏名高漢代推飛將人樂清時罷守邊漫向  
盧龍歌出塞牛羊滿地草芊芊

藥王廟蟠松

入門忽怪天色暮白日黯黹沈僧寮仰頭乃見松屈曲落

陰積翠森蕭蕭石穴斜穿走孤幹檐牙低拂蟠深條千年  
蛟螭鬪窟宅拏攫雲雨長空搖小者支撐大騰起倔強不  
讓相爭超之而鱗甲挾飛動夜靜驚避獨足魘春來霹靂  
疑變化波濤澎湃吹旋颿世間崖壑多大木往往百丈凌  
丹霄此松奇絕不上竦元氣迴復屯山椒偃蹇別具造物  
意束縛豈由人力剽託根得地荷神聖軒農釀化陰陽調  
斧斤摧折幸可免霜雪飽經常不凋引鸞巢鶴導仙駕碧  
幢華蓋來鈞韶應有芝苓結精液安得採劘餐靈苗

過格陽

旅飯荒園罷格山此路尋車聲下坡速人影落橋深野日  
寒逾瘦諸峯翠欲沈客程嫌宿早薄暮指蒙陰

牛渚磯登太白樓



太白沒已久太白樓尙傳登樓豁達開江天雲帆雪浪飛  
檻前我生不見高歌痛飲之狂態但見錦袍烏帽奕奕眞  
神仙磯頭明月常依然騎鯨一去何時還山鬼來窺猿猱  
嘯馮夷不怒蛟龍眠青山小謝宅安在鏡湖賀監歸何年  
誰來共此玩風景江邊酒甕空滿船余旣不能酌一斗亦  
不能吟百篇獨有煙霞痼疾可以相周旋君不見蕭尺木  
四壁圖名山朝暮供養惟雲煙峨眉雪匡廬泉雞鳴日觀  
泰岱顛明星玉女華頂連蒼茫元氣窺無端恍然置身萬  
里間當年太白愛游涉指點虛無應徧識焉能鞭白日兮  
御清風拍肩挹袂羣仙中逍遙入極任來往直與此樓今  
古同

次陳二乳巢韻

薊門霜落後萬木正凋殘  
輒土一吹面西風時整冠  
羈人多惜暮旅雁獨驚寒  
誰向塵寰外雲山指點看

廣應寺雙松歌

山門突兀迎諸峯曲廊陰合雙白松  
蟠根下固穴泉石直幹上走纏虬  
龍支撐太古駐日色汎掃碧落窺雲容  
流膠入地互凝結元氣護頂相交衝  
昨來對此忘坐卧夜半獨起無人蹤  
海濤乍驚瀉巖壑天風直與開心胸  
鐙光深闕佛殿黑星影寂照僧寮重  
因思前代巨璫盛祝釐爭致金錢供  
琳宮紺宇不可數未審物力來何從  
豐碑久蝕蠹屨倒惟有兩樹留秦封  
笙簫遙接鸞鶴下煙露近承霄漢濃  
投階敗鱗自斑剝梳空香葉猶丰茸  
經聲梵語有時出山妖木彪何由逢  
冰霜已歷千百載天年幸保經春冬  
扶持

仙術集言四卷一三五  
四  
倘非龍象力枝柯那得餘橫縱

天聖寺壁觀管夫人畫竹

巋然古剎闕深窈敗瓦殘碑苔蘚繞入門但覺風蕭森壁  
掃千竿猶嫋嫋高低僅辨煙墨痕尋丈欲凌霄漢表葉疏  
枝勁態絕秀鳳翥龍飛骨尤矯古來妙手豈乏人風骨能  
如仲姬少散朗雅有丈夫氣放筆此間作叢篠年深可惜  
剝蝕多黯處如昏明處曉當時松雪亦好事蕭寺偕來耐  
煩擾瀟湘之景更模糊南二壁松雪作瀟湘圖今已漫滅緬想襟期神愈  
渺人天尙藉擁護力遺跡莫隨塵劫了

羅文思字曰睿合江人乾隆戊午舉人歷官石阡知府

署貴西道

詩話曰睿舉鄉試第一又辟孝廉方正宰商南蒲城  
牧商州皆有異政解組歸優游林下十餘年乃卒壽

八十  
有九

宿少岷山

名山久待我乘興到雲窩直欲冲霄漢甯惟愛薜蘿夕陽  
西去疾倦鳥北來多今夜且留住峯頭對月歌

許鉞字靖巖號石蘭錢塘人乾隆戊午舉人官廣州同  
知有積厚軒橐

晚晴

驟點翻荷葉依然放夕曛池收將退水風揭欲開雲槐樹  
疏陰潤蟬聲遠唱聞憑軒舒望眼野色許平分

項三秋子招集湖舫分韻得扶字

夏淺勝春日頻煩折簡呼雲開山聳翠雨足水平湖小艇  
收魚筍荒臺贖鼠姑尙餘豪興在藤杖不須扶

七夕雨

不耐爲文媚女牛自甘才分拙如鳩頻年頗有書堪曝此  
夜惟應酒可酬蜥蜴呪來三尺雨蟪蛄吟破一分秋問誰  
曾見天孫駕辜負人間乞巧樓

唐文炳字奎南號月村晉甯人乾隆戊午舉人官江蘇  
清河知縣

江村

村路緣溪曲人家似輞川樹雲低過雨江草細含煙禾黍  
秋風外牛羊夕照前誰家伐樵響驚起白鷗眠

聽雨

一夜花梢雨都如落葉聲窗前思婦在聽汝最分明

羅元琦字用璞號崑圃石屏人乾隆戊午舉人官隴西

知縣有蘭陔堂詩集

輓宮保劉蘇村先生

大星中夜隕邊營箕尾宵乘雷電聲一死詎能酬聖主九重早已諒書生鴻文久播推前輩清德云亡痛老成祖奠遙聞瀆父老碧雞坊外送行旌

家大人避暑秀山傅京兆偕諸前輩過訪

納涼依靜院連轡喜經過飛蓋思京國尋蹤到薜蘿夢回青瑣遠地迴白雲多坐隱追仙躅何人爛斧柯

張九鍵字天門一字筦侯號石園湘潭人乾隆戊午舉人官隆平知縣有漱石園詩集

秋日送友人之岳陽

秋水綿綿送客行江干攜手淚縱橫孤帆挂日風前影別

雁唳霜夢裏聲雙樹半遮雲麓寺一湖初湧岳陽城愁多  
莫更登樓望吳楚天連百感生

邊中寶字識珍一字適吟號竹巖任邱人乾隆戊午舉

人官適化學正有竹巖詩草

詩話竹巖為隨園徵君之兄隨園詩以清矯勝竹巖  
則直抒胸臆恬適和平生平奇情山水晚就養揚州  
偕隨園徧歷名勝都為南  
游壘篋集一卷傳為佳話

勸學詩

我甯甘其拙人自逞其巧巧為世所爭拙乃身之寶恂恂  
里巷間樸訥亦自好神凝志不紛性天常自保大木枝曲  
拳斤斧弗來擾七竅鑿甫成混沌已就稿

日月有薄蝕金石有虧缺令名德之與弈世無歇絕高節  
軼塵倫聖哲足頑頑闐然庸眾伍草木同摧折沒世疾無

稱此語殊痛切媵脩不及時秋風鳴鷓鴣

卧佛寺

半生勞夢寐此日躡雲根一榻懸今古千山嬾曉昏鳥飛  
凌碧漢樵去入煙村惟有西來樹常棲淨土魂

出山

出山頻顧山山亦神交熟今夜山間雲相隨窗外宿

兜率寺

清磬聲聲徹悠然夜未分山高遲見月竹密靜留雲色相  
巖間石空明水面紋立身塵外思共鶴猿羣

歸里後詠懷

吾家連理枝恰符燕桂數伯仲早云殂三人相依附飄梗  
過半生頻年不一遇垂老更相憐鬱陶憑誰訴游子從外



來驚愕頻諦顧喜極翻成悲相看俱遲暮有酒卽我醕無  
酒卽我醕鶴髮老弟兄悅愛勝童孺目前致足樂莫任韶  
光赴珍重此殘年連牀話情愔

倦鳥歸舊林飛翔適性天零星幾老友策杖相往還言笑  
無厭時文酒追古歡有時乘興出隨意探林泉或阿陵城  
下或吾邱臺邊徙倚以徜徉心遠况地偏偶然逢野叟席  
地話園田神貌兩俱古真趣誰與傳自反出與處幸無罹  
尤愆泊然何所營長此樂餘年

包彬字文在號樸莊又號惕齋江陰人乾隆戊午舉人

### 有樸莊詩藁

詩話樸莊潛心經學所著易玩李申耆稱其研窮義  
理兼綜象數不爲漢宋門戶深造自得詩多紀游詠  
古之作枕著綿麗不同浮響

龍山詩

谷口清風吹林間路微白紆迴度石梁山腰劃開闢懸崖  
險欲墜中廣上下迫波流綠差差照見天容窄危途螺旋  
文斜上百千折洗心有孤亭憩足意良適泉聲咽近澗更  
愛澗邊石削若刀劍攢奔若虎豹逸纍纍瓜垂蔓呀呀蟾  
聃舌珍珠與珊瑚肖形者非一目謀窮幽異神靜滌煩渴  
微聞仙梵音花宮隱深碧

探幽興不窮路轉寺門右雨餘山路溼側足敢馳驟崆峒  
千人巖鬼工爲琢鏤初進坳堂形氣暖若舍耐其旁窅冥  
冥惟聞陰風吼緣壁偃偃行踣前驚躓後怪石駭心魂仰  
面石齒鬪此境難久留出險神猶瞿僧移茗具來掬泉散  
浮漚茶煙裊孤細微有白雲逗石花點新綠氣與澗芳糅

幽鳥嘯一聲林際殘陽漏緩步歸山房暝色斂羣岫

游宏濟寺

秋江靜無煙山形恍圖畫晨登燕子磯塵鞅一時卸逕轉  
直復曲奇峯若相迓岡巒忽中斷兩崖狹可跨迸石樹無  
皮疑是白龍化梵宮隱深雲香風逗林罅羅落高陰傍  
戶枝柯亞洞穴豁堂皇禪房半相借上有銜花鳥下有投  
巖麝緣壁陟高閣山川拓眼界江明匹練橫天際波濤瀉  
此境足句留儔侶催返駕徘徊石磴旁歸雲擁足下

竹塘老姆行

竹塘春好花映閭花邊游女紛瓊琚玉葉金枝一老姆蓬  
首不整衣無裊在昔天崇盛藩府王子分茅鎮南土如花  
之女天人儔清臚橫列修眉嫵曉日吹笙叫鳳皇晚窗罷

繡調鸚鵡皇孫擇瑁鄙豪華但選人龍與文虎宣州譚生  
英妙姿筆底掣電風雷馳朝爲千詩暮百賦元氣溼楮何  
淋漓皇孫一見歎奇絕畫屏當晝牽紅絲參佐風流賓客  
盛譚生揆藻滿座靡樓頭拓日騎雙鳳鞞鼓驚人隔鴛夢  
流離展轉爲俘囚窮鱗眼看釜底游幸遇將軍不好武聞  
道能詩色乃柔笑指梅花賦百首詩成當以不死酬口號  
不待八叉就詞源浩如三峽流侍史代書欲腕脫高座驚  
讀快拍浮筆陣掃開劍鋌利驚魚掉髻倏脫鉤痛定徐思  
更慘絕平臺舊館餘殘血紅顏一去斷音塵半鏡懷藏苦  
難說絕域窮鄉獨往還月輪幾徧看圓缺月缺果然還復  
圓相逢喜劇翻悲切定情正值梅花開金爐那用沈檀爇  
百首新篇歌撒帳流蘇夜夜霏香雪莫將鉛淚哭銅駝生

死因緣重締結星移物換幾度春簾前燕子怨家貧奉誠  
非復馬家宅東來卜築江之濱行歌憔悴不求仕碌碌飢  
驅越與秦丰容一別一回改閨中鴉鬢看堆銀當時鏤玉  
嫌釵重此日裁裙喜布新禦窮老去操箕帚王姬能作民  
間婦持門辛苦守良人嘉偶到頭非怨偶歌樓舞榭碧雲  
遙舊夢依依烏鵲橋莫把殘詩重索笑落梅萬點付風飄

暮春寄遠

閉戶春將去春愁黯慘中酒消殘夜雨人瘦落花風遠夢  
情何極清吟思不窮京華有知己曾否憶江東

錢塘詠古

宋祚將移訝鬪星君臣迹似浪中萍黃龍出海朝廷小白  
雁橫江戰血腥南國無家歸燕子西臺有淚哭冬青諸陵

麥飯今誰薦風雨蘭亭夜火燧

金陵雜感

萬峯青拜故宮前王氣收時總黯然西下戈鋌飛盡鷓北  
來笳鼓駭嗁鴟春風淚灑桃花扇夜月歌殘燕子箋彈盡  
淒涼天寶曲江南愁殺李龜年

過姜貞毅宅次徐莘友韻

東海孤臣棲止後清波瘦石總堪傷忠魂黯慘埋殷血諫  
草流傳想阜囊半劫鶯花梅尉市百年風雅鄭公鄉遺民  
孝義終銜恤此日誰探胥井藏

淮陰侯廟

鳥盡良弓勢必藏千秋青史費評章區區一飯猶圖報爭  
肯爲臣負漢王

徐金楷字端叔號春卿天津人乾隆戊午副貢有步青

堂餘草

嘉善曹秉章填諱

詩話余家自鄆縣北遷京師再徙天津遂著籍焉四傳至公實為余六世祖博學多文為時所重乃僅以副車終遇不竟才積而彌厚本生六世祖面堂公五世祖午園公先後舉賢書幸劇邑高祖印川公以趨庭之學繼承治譜大河南北徧歷赤緊曾大父以後科第相承皆公之澤也竹垞選明詩錄先代文格以下八九家歸愚別裁亦登其大父得輿先生之作謹用其例最錄先集以公為權輿

書馬文毅公彙草辨疑後

魯公碑碣光千古筆鋒奔放丹心吐勁節峻嶒未易攀惟公忠烈堪儔伍桂陽羣孽逞咆哮平踏樞臺列刀斧索象遺冠勒使降嘈嘈沸沸紛如雨鐵石肝腸那可搖罵賊聲厲雙睛努闔室幽囚四載餘文山正氣歌同譜大筆高題擊笏樓草書讎校消艱苦侍人慘怛註簪花千金一字足

揚詡被繫不屈終殞身精魂蓬勃鳴鐘鼓一時百口盡捐  
軀從容慷慨聞畿輔龍章疊沛粵西來香風脈脈生皋澣  
廟貌巍巍祀不衰淋漓青史欣追數牘稟猶餘翰墨輝蛟  
螭呵護光難腐至今寶燄每干霄雲霞五色迷江浦

晚泊桃花口紀事

洪流八月猶添漲輕舸上下隨波浪晚泊桃花岸口間驚  
雷惡雨齊奔放風吼長空更助威妖鯨怪鰐恣排漾燒殘  
寶炬地天昏同舟行旅皆惆悵無端動地起喧呼乞命祈  
天聲轉壯暗中摸索遠難窺礮一耀真魂喪斷維巨艦  
上游橫直壓吾舟殊不讓危乎來勢若山崩四圍浩淼無  
屏障陡崖百尺既峻嶒如此深宵誰得上或攜襍被走泥  
中或奮攀援相棄攘我聞生死由來總係天呂梁蜀坂何



無恙平生忠信仗無虧今日臨危豈懷妄所嗟存敬遜無  
心難空夷險諸塵相但謹周行坦巨波應驅颶母離漉沈  
衝風果激怒濤開洞流振舵走斜偃艤腫不礙小檣桅鼓  
柁凌空亦怪哉約略中流勢愈乖迢遞飛驚又幾回長年  
三老盡疑猜誰弄波濤戲吾儕轉瞬雲收雨電弛移舟且  
復沾清醕平明打鼓乘風去一嘯南溟振八垓

貞烈殷氏行

扶輿正氣凝津水巴臺十丈雲中起慘絕千秋殷氏操西  
風一哭崩垣壘十六梳頭麗且莊菱荷製佩芙蓉裳楚楚  
蓼蓼花下萼紛紛人說鬱金堂施衿何意遭囂惡穿墉穿  
屋紛相度擊碎珊瑚心不渝爇燔任肆千般虐爆爆炖炖  
肌盡殘屹然勁節無盤跚眾憤徵歌寫幽恨香風脈脈透

琅玕卓哉太守眞英灼亟遣官司訊帷箔爛額焦頭衽席  
間九死餘生猶婉若漫爲好語謝長官搗羽遽篠終諱卻  
八龍蜿蜿扶雲車幾日陞皇別城郭我聞古來貞烈煥壇  
壝惟拚一死全綱維誰復夜夜深閨月灑徧殘紅泣子規  
歎息氏年方弱小珠輝玉潔全貞皎箝口珍談淋烙凶從  
容完璞歸青杏不須哭赴海門潮不須憤藉新城杓不須  
匕首覓夫人不須鳩羽藏清醪但冀吾生釋罪愆忍令尊  
親逢指眺終始孤芳祕自珍亭亭淨植出泥沼淒其一片  
泣幽明輕寒五月燕山繞姓氏從教麗泰華參天偉節中  
達表郡符一夜到城來裁詩結伴相喧匝或欲陳芻膳外  
柳或欲鑄石樹瑤臺我思風化從來起閨廡拍案爲呼眞  
節苦仁厚存心鐵石腸大白不涅誰能伍窈忽精魂鬱森

世所乘言卷之二  
三  
碧蟠天匝地鳴金鼓輿論蓬蓬塞太虛廣陵調絕哀言譜  
神鏡尤憑司牧賢寒江月冷香魂吐青冢煙迷貞不埋劍  
花彈放春花腐含毫灑淚寫幽光悲歌屢起酬清醑極目  
殊恩沛自天特表芳徽傳萬古

讀蔣安頤先生傳因紀此歌

鯨室珠荆門玉含輝韞璞全高躅雄才屹嶺兮氣拔俗清  
聲蘭蕙兮詞飛瀑遭時不造兮懷綸毅力葵茹藿天倫篤  
有峰千仞兮溪數曲風雨檀橋恣講讀興朝布化兮升遺  
伏蒼生霖雨東山下長揖故人無我辱錦函香奇文綠陶  
情鉛槧撫松菊養天德者九十秋訂鴻編兮三百軸嗟罹  
祝融之虐兮徒見燼飛而燄逐螭游兮真神燭鑑亡兮慘  
萬斛肖潛光兮諡安頤爲報後昆之式穀

程景伊字聘三號莘田武進人乾隆己未進士官至東  
閣大學士諡文恭有雲塘詩鈔

送同年馮若渠客游平陽

驪駒已駕苦難攀襍被攜囊赴晉關夢裏白雲龍尾闕馬  
前秋色雁門山驚才定卜三都貴樂志甯愁六月閒只悵  
從游違舊雨何時樽酒待君還

中秋前五日劉繩庵廷尉移寓奉柬

一枝穩占鳳城西掃徑誅茅位置齊借綠短牆雲作屋攀  
花曲磴石爲梯管絃近接扶風帳書卷長親太乙藜茶臼  
筆牀隨處好當頭明月待新題

移來家具菊初斑籬落秋深靜掩關片石剡苔新作沼小  
樓拄笏飽看山退朝詩思爭花發近市心情似水閒舊雨

過從容剝啄聯吟暇日好追攀

裘曰修字叔度號漫士又號諾臯新建人乾隆己未進士改庶吉士授編修官至工部尚書加太子少傅諡

文達有裘文達公詩集

詩話文達以文學受知神解超敏喜賓客宏獎後進爲文章不構思每朝廷嘉禮輒奏賦頌館試所爲文詞林皆奉爲程式詩格安雅與唐之張文貞公權文公相近

江行懷古

清詩成漫興濁酒得孤斟芳草自朝暮浮雲無古今江山  
供野眺風雨入長吟南國經過地勞勞客子心  
江左開基後人爭豔霸圖衣冠垂六姓襟帶到三吳對客  
揮譚塵當筵擊唾壺風流與割據此意久荒蕪  
鶯花江總宅風月謝公墩畫舫青溪水紅樓白下門蓮花

更蓮子桃葉復桃根樂府淒涼徧重歌動客魂

晚步書所見

村落蕭疎瓦屋稀  
槿籬花謝杞苗肥  
趁虛客度深林散  
看劇人從近市歸  
柳外佛燈雙碣廢  
岸邊漁火一星微  
意行乍覺新涼動  
習習水風飄袂衣

寄魏懋堂

娟娟美人隔秋水  
濃陰匝地寒光起  
清砧斷續西風生  
數聲飄入遙天裏  
白日蕩蕩飛鴛鴦  
岱宗遠意青如何  
壯懷欲吐空自詫  
我當把酒誰當歌  
去年高會華簪集  
意氣縱橫妙無敵  
舊歡忽墮兩經秋  
俯仰人間坐愁寂  
羊城驪唱那可聞  
周西三湘使客吟暮雲  
涂石虛堂瑟縮不成寐  
月落屋梁疑見君

楊柳店有晉太傅羊叔子祠蓋故里也讀壁間舊句

云老洪收吳策輒成長律

楊柳陰陰太傅祠行人下馬讀殘碑遺言杜預才堪代斂  
手張華計不疑我謂孫王歸洛後略如隋帝破陳時登牀  
若憶何曾語下瀨樓船空爾爲

雄縣

疎疎楊柳蕩秋陰瑟瑟西風飄客襟人到中年易哀樂地  
非吾土倦登臨沙盤遠戍三關險浪拍危橋一水深北際  
南垂大如許夕陽千古此消沈

遼陽州

襄平遺壘此初經一水依然走百靈劫火銷餘千頃淥戰  
塵飛盡四山青舊京尙識龍興地

我太祖高皇帝於遼陽城東五里許別築新

城卽東京也仙蹟難尋鶴化形極目海天縹緲外寒雲漠漠雪

冥冥

涂逢震字驚百號石溪南昌人乾隆己未一甲二名進士授編修官至工部侍郎有石溪詩集

落星石

花南視北一卷石二十餘年共晨夕石從天上墮寒芒人向堂前思手澤憶昔先子宰項城閭閻疾苦按部行羣星燦爛月未明眼前一星墮有聲風吹蕩漾拖金帶頃刻光搖薄蕭艾呼來輿隸亟揮鋤峻嶒著手供爬梳移歸草堂結三友霜雪皚皚都不受苔衣擺脫離垢天春去秋來同好醜此星此石居人寰側身茅屋傲松頑風雨不動安如山商彝周鼎紛爛爛



羅國俊字賓初號九峯湘鄉人乾隆己丑進士改庶吉士授編修官至禮部侍郎有館課存餘集

北上周春田主政邀飲小西門酒樓

湘水西來曲曲環卸帆且得暫時閒柳花滿店春陰薄鶯語留人別意慳萬點落紅衣上雨一痕濃綠酒中山憑君無限殷勤意爛醉狂歌鼓棹還

儲麟趾字梅夫荆溪人乾隆己未進士改庶吉士歷官宗人府府丞有雙樹軒詩橐

饋茶歌戲贈曹地山前輩

昔者東坡論茶墨茶尚白兮墨守黑墨光可鑑水爲用變現雲煙稱厥質山溪女兒解焙茶初春采采春蘭芽昔賢品茶先品水始知茶墨非兩家右軍瀟灑愛籠鶯墨中之

聖記永和黃庭乞與山陰客爛熳天真此則那臣全有詩  
詩欲仙嗜茶七碗更翩然詩興還從茶味出茶詩落紙如  
流泉地山先生後來傑筆陣詩瓢兩奇絕晉耶唐耶帖與  
詩突過前人人不識訪友頻來因樹軒軒中啜茗出平原  
先生味之良不惡攜歸解眼煮黃昏道子之孫畫全册秋  
山疑紫春山碧徧灑珠璣墨未乾倒薤還兼斷釵格擲來  
令我喜欲狂許餽旗槍作報章茲墨比茶價億倍恨無茶  
山換墨莊吁嗟乎精誠感召物其類聚之所好取若寄君  
雖寶墨非戲言箬籠千里無脛至

卜甯一字中三號念亭又號五峯日照人乾隆己未進  
士改庶吉士授檢討歷官順天府丞有尋樂齋詩集  
春日過丁做齋臯陸別墅

煙樹侵天碧茅亭一徑開梅根穿瘦竹石榻染新苔鳥喚  
憑風落魚游出澗來呼尊邀共飲薄暮未言回

梁啟心初名詩南字首存號設林仁和籍錢塘人乾隆

己未進士改庶吉士授編修有南香草堂詩集

吳退庵曰設林幼負異稟號爲奇童與薊林相國自  
相師友旣成進士改庶常以父艱父訓導春秋高乞  
假南還會相國入對純廟廉知其孝卽家授編修  
蓋殊恩也訓導公喜吟詠老而彌篤春秋佳日輒與  
耆名老德閒僧曠士往來西湖之上薊林未嘗不撰  
杖以從道旁觀者太息以爲善養志者莫設林若矣  
父歿哀勞逾節疾遂作卒年六十四

泛舟出東新關至皋亭山看梅同穆門江聲龍泓堇

浦甌亭作

早暄梅信舒新晴漲痕淺小舟銜尾出野塘風正輭遙見  
皋亭麓平林白於繭暝煙結會陰頽日下西阪人家依水

住大半花作堰入春已逾旬幸我來未晚相將恣幽探腰  
腳猶可勉

清勤堂前後老桂七株家大人花時觴客各賦長歌

小子亦附作

年來買得宅一區十畝不足五畝餘風廊水檻交縈紆蒔

花種竹非自娛歲時往往扶籃輿中間古桂凡七株百年

外物無生枯自有此屋此樹俱想見侍御手植初宅爲願

生故一株北堂高扶疎瘦藤作骨霜爲膚一株南榮青模

居糊稜稜硬葉當軒鋪旁有一株尤絕殊盤根拔起孫枝麤

再歲已見爪角舒欲與老幹相撐扶小園疊石疏清渠三

株壓檐如覆盂蔽虧白日森階除其一僻在牆東隅偃蹇

不肯受束拘著花雖好人罕譽有若逸士逃空虛株株似

此皆畫圖涼露一夕香紛敷滿堂滿室連井閭後洋街裏  
風阿噓恍踏月路臨天衢我聞青桂之館仙所都又聞金  
粟之龕佛所居非仙非佛此境無眼前忽復周吾廬若不  
痛飲眞蒙愚平生招隱繁有徒牆頭過酒不待沽折簡立  
至羣謹呼黃雪點點黏尊壺飽花氣似餐醍醐阿爺大笑  
拉髭鬚看客醉夢騎蟾蜍朗吟直到日脚晡詩成繞樹樂  
只且明年此會不可孤乞與大椿揚靈符不爾恐被花挪  
揄

冬夜同壽門坐南香草堂聞雁

清坐各無寐初聞一雁過冬心空外警北思夜來多歲晚  
驚霜雪天高畏網羅草堂無恙在相對意如何

立秋後三日雨中泛湖

濛濛溼翠滿重湖一櫂中流乍有無涼意十分歸枕簟秋  
聲幾點到菰蘆水花帶雨弄姿態風柳牽船成畫圖我與  
鷗盟幸無負笑他堀堞羨蓴鱸

江上秋曉

一天涼露靜江聲望裏蕭然山色明帆影欲隨初日上沙  
痕猶認夜潮生風清羅刹秋無浪樹暗婆留舊有城幾點  
眠鷗呼不起蒼茫誰共此時情

湖上送春

送春又上郭門船老去閒情未肯捐酒幔歌簾前代夢水  
萍風絮一湖煙誰家櫻筍能留客明日鶯花不值錢白髮  
青山兩無賴第三橋外草芊綿

秋晚小集壽門出藏茗洞庭春餉客分體得六言

掃檜青棠樹底遞泉烏石山坳秋風秋雨留客一椀春浮  
洞庭

此鄉大好魚舍何年更富茶租準辦布帆十幅共爾春風  
五湖

初夏泛湖至孤山作

一篙新漲裏湖寬  
小雨飛來作夏寒  
山翠忽低林影合  
杜鵑聲裏倚闌干

蔣麟昌字靜存陽湖人乾隆己未進士改庶吉士授編

修有菱溪遺草

詩話靜存年十六舉於鄉十九成進士入翰林卒年  
僅二十二歲其七夕詩云一報雲中簫鼓喧羊銜無  
焰三更碧孟蘭會詩云兩岸紅沙多旋舞驚風不定  
到三更語有鬼氣武進劉文定爲作集序有就河鼓  
以陳詞三更焰碧會孟蘭而說法兩岸沙  
紅詩識先成諫詞安屬之語卽謂此也

致酒行

北風吹凍雨打戶聲瀟瀟兀坐心不怡衝泥步南郊南郊  
古梅色皎潔如瓊瑤絳者或間之又如朝霞明層霄曲曲  
村外村行行橋畔橋青帘茅店三尺飄當鑪少女年垂髫  
搗來顧瞻興不淺呼童邀客沽醇醪客聞我言大拊掌爲  
言良會思前宵眾醉君獨醒轟飲嗤吾曹聞君持酒戒酒  
政胡重料我言客太拘矯枉殊非高達人貴性適有時舖  
其糟憶昔客北平身穿敝黑貂雪花大於鴉驚沙如怒濤  
千樹盡僵脫百草無茁茁哀笳揭天風斷雁時叫號北酒  
斗十千傾囊不足供烹羔今值故鄉樂况復梅花朝幽香  
天半下仙子絕勝錦帳纏紅綃眼前景物詎易得忍使春  
色悲寂寥君不見古人千日不飲飲必醉橫眠倒載何道



遙人生束縛多鬱陶興到卽飲從吾豪

贈張聖菴

茅屋當山挹翠微半生磊落遜何肥桃花訂論思元老瓠  
子陳書只布衣千里長鯨橫海去九秋高雁拂雲歸華封  
終古誰分席未到抽簪願已非

袁子才招同年卜五峯邵星亭陳紫山徐紫汀程巨  
山徐亮彩集平臺次子才韻

瓊花零落珊瑚樹赭羅香襪渺何處天上明星幾度移高  
臺百尺空蟠踞神仙朝騎鶴背來坐看白雲不知去奇語  
鑿開五色天願我以茹彼以吐主人邀我朝酒星旋傍龍  
頭吸甘露雙童手擎縹粉壺冰桃雪藕知無數醉揚羅袖  
逐飛鳥長松篩陰挾風怒意氣渾如出岫雲舉頭欲向蒼

穹訴東方日出徒勞勞雕輪碾塵走煙霧可惜人間盡劫  
灰溪流不記當年路撥醅百甕意獨厚跼踖都爲俗所誤  
安得羲和更倒行不教座客知天暮

悼烏蒙馬歌應甯郡王教

秋雲著樹寒凝紫朔風如刀百草死六閑鼓溢聲不起幽  
泉沈沈泣龍子玉勒金鞵委流水羅幃匝身薄於紙相將  
一曲行路難烏蒙煙樹十千里

鞠遜行字謙牧號未峯山東海陽人乾隆己未進士改  
庶吉士授編修有核實書屋詩草

泊燕子磯

倒影涵波返照紅動搖金碧大江空錦帆一片寺前落入  
李將軍圖畫中

陳中龍字漢麓安陸人乾隆己未進士改庶吉士授編修有竹塢詩集

珠泉

長嘯下雲根振響雲生鳥一泓何澄瑩窪然貯山脈豈有靈蛇蟠亦非蛟人宅脫手牟尼珠纍纍浸寒碧空中幻泡影俯仰思往迹無乃謫仙人歎唾留精液爲我濯塵纓流連日將夕

索祿字敏亭滿洲旗人乾隆己未繙譯進士授宗人府主事歷官御史

游上方山

層巒飛閣勢重重十里遙聞薄暮鐘傍鶴巢邊攀古木向雲升處上高峯光浮溪水天心月響作濤聲澗底松洞府

相傳多勝迹待隨僧去訪仙蹤

徐垣字紫庭號芷汀大興人乾隆己未進士歷官貴州  
布政使

漢川道中

古色晴川路孤篷遠客舟江聲連夏口帆影入荊州臨水  
村成市沿隄樹欲秋不堪聞畫角日暮又句留

梁善長字崇一廣東順德人乾隆己未進士歷官建甯

同知有鑑塘詩鈔

詩話崇一初官陝西白水縣繼攝蒲城蒲城人語曰  
一文不取清白如水經綸滿胸多謝梁公嘗編廣東  
詩粹以彰粵雅

泊蘭江

川暝舟初泊羣峰夕照中晚煙浮樹碧漁火燒崖紅流恨

無如水吹愁欲借風醉吟何不可江月故人同

登鰲洲塔同陳石樵

浮圖七級寶安西共倚危欄望欲迷水繞鰲洲桃浪闊天  
迴鵬嶺澗雲低蔗苗綠映村邊路菽蔓青延壟上畦轉眼  
花飛春又暮可堪歸鳥向人啼

曾尙增字謙益號南村長清人乾隆己未進士改庶吉

士歷官郴州知州有平定雜詩桐川官舍聯吟草舟

行雜詩

詩話南村有女衍綸至孝郴州官舍火衍綸母病瘵  
欲負以行力不勝救者入非母出不肯出卒同燼焉  
衍綸時年十五  
彭尺木爲作傳

盤石關

盤石關前石路微離離黃葉小村稀斜陽忽出奇峯影千

疊晴雲屋上飛

晚飯大塘嶺緣隱庵

大塘嶺下好停車小憩茅庵日已斜  
藜藿嘗來偏有味鷓鴣隨處可爲家  
夢中雲樹迷千里壁上煙嵐識九華  
最喜僧雛能解事殷勤頻獻奧香茶

舒瞻字雲亭滿洲旗人乾隆己未進士官平湖知縣有  
蘭藻堂集

詩話雲亭少擅詩名作率浙西攬湖山之勝詩格益  
復雅練佳句如菜花黃隔路春水綠平隄市聲隔浦  
斷野色過橋分性愛登臨同謝傅志存溫飽愧王  
曾風料峭時偏抱病月團團夜卻離家均極流動

秋日同龍威游金粟山

瀕海多奇峯勢若神所鏤入秋事登陟緣畦窮野埃豁茲  
耳目奇失喜脫塵囿晨光澹疎林嬌雲蔽遙岫陰磴垂千

尺巉絕穿積溜，層閣時晦明。洪波或吞受，風雨來半空。蒼茫失晴晝，俯瞰千村迷。屹立一峯秀，賈勇探幽景。小憩得梵構，雜花媚秋容。暗泉噴幽竇，了了浮修眉。丹青妙刻繡，矧造自孫吳。殘碑不可讀，但能辨旃蒙。漫漶迷蝌籀，弔古餘遙情。興廢理孰究，東望秦駐山。坤維相躡躡，就圖經。九十九羅列，如釘餽。覩此造化工，靈境爲輻湊。此中有芝田，或者羣仙耨。摩挲抄長松下恍，聞笙竽奏野衲。建精藍，忍草徧寒螿。蠲渴資茗柯，清氣溢襟袖。暫解人事縛，一與煙霞覩。同游競躋攀，吾意仍稽留。微吟愴忘歸，餘青戀回首。

上巳東湖泛舟

三月三日天氣晴，春風處處嘯流鶯。天桃穉柳鬪生意，踏歌陌上餘冶情。我來暫借東湖住，萍絮因緣惜前度。湖頭

物色未全非九峯遙對煙鬟暮當時一歡火迫餘南帆北  
馬歲月虛花時且酌尊中酒樂意還同濠上魚古今事業  
一彈指成佛生天亦妄耳何如閒喚木蘭舟吟徧六橋好  
煙水

諸暨

乍識楓橋路偏驚過客魂亂雲埋虎迹健水嚙山根野店  
春無酒人家晝掩門前峯好眉黛應似苧蘿村

花街道中

一雨羣峯綠登臨適野情嶺雲寒不散澗水晚逾清竹裏  
茅檐小山根樹影平田家勤力作蓑笠事春耕

寄巢爲杭堇浦太史作

乾坤到處盡吾廬小住爲佳可著書半榻茶煙欹枕後一



春花雨閉門初名山已得輕身藥曲巷時通問字車回首  
東華塵十丈西清風味竟何如

新菴

空林一徑破秋煙選勝無如此地偏但把茱萸酬暮節何  
須絲竹寫中年千重紅樹新霜後四面青山落照前去去  
不嫌歸路暝滿湖漁火送游船

過碧浪湖

東西苕霅水迴環清絕吳興占此間浮玉塔前搖艣過一  
螺青處道場山

清明日鐵珊招同泛舟東湖歷游諸園

芙蓉隄畔十杉亭芳草芊芊滿釣汀更上水明樓上望遙  
山九點海門青

五層塔影倒波心野寺門開春水深剩有山僧公案在石  
泉槐火鬪清吟

楊鸞字子安潼關人乾隆己未進士官邵陽知縣有逸

雲樓詩集

詩話子安嘗舉鴻博及成進士初官蜀繼官湘迭宰  
捷爲醴陵長沙邵陽諸縣皆有政績詩高亮明秀不  
爲伉厲之聲

感懷

芍藥與黃菊結根固不同懷芳未及採一夕來朔風朔風  
何造次吹我客牀空客心與客夢倏忽若飄蓬寄謝西園  
花此意殊怱怱

抱膝慘不樂念我同門友當時豪俊人零落如參昴匣中  
流泉琴棄置今已久豈不懷古懽道遠難聚首以我憶君

心知君與我厚珍重歲寒交無爲反覆手

長城

秦皇築長城乃爲萬世利連山絕谷勢蜿蜒雄圖自足制  
中外當時重設險已有趙與魏何以後世人獨罪始皇帝  
虐用其民虜使其吏仁義不施方欲帝萬世豈知李斯能  
亡秦璽書一發長城隕吁嗟秦皇乃爲萬世戒

書江烈婦傳

烈婦姓黃夫亡服除夫生日詣墓哭  
自刎死神尺縑書天清地日四字

翦紙作香香不滅生綃畫花花不溼三年石鍊女媧心一  
夕竹斑湘妃血秋風蘭菊悴幽姿松根澈泉無轉移天清  
地白長如斯炯炯夜臺相見時

除夕

除夕親幃遠天街露氣清誰家今夜酒不動故鄉情脫手

成疇昔間關懷友生巡簷看北斗迢遞接秦城

古浪峽

峽口秋光早客行日易曛參差石磴澁歷亂澗泉分一徑  
落黃葉四山生白雲郵亭何處是涼雨已紛紛

登廣成觀北樓

高樓岌嶸勢凌空乘興披襟欲御風地控河山開莽蒼雲  
連晉豫入洪濛野花寂寂春蕪綠廢苑愔愔落照紅曾是  
廣成傳舊迹何年躡履上崆峒

盤豆驛

盤豆驛前日欲沈高高新月映疎林一溪澗水數聲雁何  
處能消關外心

劍門

劍門高閣倚崔嵬蜀國風煙一線開怪石當關森似削驚  
濤歎地殷如雷人矜絕險空詩筆天入中原失霸才欲問  
勒銘千載事暮雲飛處亂猿哀

孫良貴字鄰初號麓門善化人乾隆己未進士官甘肅  
安化知縣有墨樵詩鈔

偕家弟文止曉入嶽麓寺

幽仄還從到同游暢所經僧披深翠出寺帶溼雲暝寒竹  
新炊火霜禽飽曬翎五年矜一見不負看山行

贈百四十三老人湯雲山和沈宗伯作

天上老人自有星翩然披髮下炎坳樓頭黃鶴何年返騎  
向蓬壺訪蔡經

吉陽湖

皖城西上借東風極目洪波水正東  
忘卻江天空復迴吉陽湖看藕花紅

凌樹屏字保釐烏程人乾隆己未進士官咸陽知縣政  
嘉興教授有匏息齋集

行路難

莫恃顏色好顏色易成暮莫恃君恩深君恩易成故色衰  
愛移會有期金屋長門無幾時君不見駿馬折股車折軸  
尋常平地有翻覆何況孟門之巔太行麓

有手但荷鋤有口但飲酒荷鋤無賢愚飲酒忘是否人心  
變幻夫何窮飢仇飽恩如追風老子畏避走胡中劉翁強  
解事下視人間世薄天帖帖彼爲誰玉龍十二鞭不逝吁  
嗟乎天帝之尊猶爾爲羣生悶悶何所之

人生不滿七尺軀其志乃欲奠地維立天樞智窮力竭安  
所就里巷小兒往往起而笑其愚天不可作曲蓋倚地不  
可作磨盤舞夸父追日終野死何況一夫蹇蹇欲與造物  
相撐拄北叟移山期子孫上帝聞之畏其言吾徒作事須  
如此要使精誠貫九閻行路難行路難君不見龍逢比干  
身已死當時誰說有忠肝

東家有賢女修行揚清聲西家有賢女落落無時名匿彩  
潛光世不見西家反向東家羨鉛華刻意爲摧藏不特人  
忘家亦忘始知眞品入時難國香誰識林中蘭野花叢叢  
舒豔蘂露冷煙深採未已此時賢女方深居肯學東家殉  
虛譽春華秋實各有時慎莫但取天穠枝

重寓陸氏是亦山房有感

苔衣繡檻綠初齊曲曲閒尋路未迷清供居然鮭廿七故人依舊屋東西襟懷聊復同沂水箋注何妨到玉谿一卷尙書全部論古來不少樹雞棲

申甫字及甫號笏山浙江西安籍江都人乾隆丙辰舉博學鴻詞辛酉舉人歷官副都御史

七月朔日籀石招同地山少宰小集山齋爲鴻博同年之會次韻書籀石所畫三友圖後

山館涼生面面風何分賓主此情同故人海內今餘幾往事樽前話不窮各有姓名留薦牘儘多酬唱入詩筒衰遲倍切齊年誼氣類相關在始終

接葉亭邊落葉寒紛紛送客出長安

丙辰秋冬之間屬樊榭沈東甫沈幼牧送

耕石汪槐塘諸君同寓於接葉亭試畢先後出都同人咸於此餞別重來我只常資進晚達



君猶本分官未敢便爲徵士老不妨仍作布衣看風流畢

竟推前輩早向雲霄刷羽翰

少幸由乙卯中書丙辰中式改庶常予與籜石並爲後進

尺五城南集眾仙歡場一散逐風煙

庚辰初夏劉繩菴相國邀同裘漫士司空

王晉川廷尉陳甸出太僕楊二思侍讀王孫同觀察會多於華亭相國舊邸之錫壽堂時余與少宰閣學亦與焉

生那得離文字後死何容卸仔肩醉後吟聲驚戶外雨餘

山色入窗前八人尙有三人在似得天憐亦自憐

法坤宏字直方又字鏡野號迂齋膠州人乾隆辛酉舉

人官大理寺評事

竹西書屋

圓風索索吹井汲海雲凍合低平隰羊裘毛脫酒力微枯  
倚青松坐白石昨夜雪花大於掌隨風飛舞棲檐隙山陰  
有權當詣誰擁書兀兀抱雙膝竹竿壓折不開門歲晏無

人空歎息

戊辰九月六日贈別毛其人歸里

調刁隕風葉翩反戀故枝聞君束歸裝游子動離思行行  
高原上竚立望征驪仰視歸飛鳥心隨白雲馳初君登科  
日英姿生光輝輕裘擁高坐煥若東出曦風塵近十載奔  
走長安達黑貂旣已敝面目空復鰲哀我龍鍾態對歎不  
自持計君歸閭門升堂拜慈幃呼洗爲兒盥呼食哺兒飢  
功名豈不念顧亦愛其私小人亦有母白髮兩肩垂自春  
徂秋夏遠游歷三時家貧失儒業諸子任游嬉乃從千里  
外爲人章句師奇字不堪煮九月未授衣行將舍之去掛  
經把鋤犁小珠山之麓書帶草離離先賢有遺訓良田在  
耘籽養志事躬耕相約共畚菑將子無寒盟春深以爲期

田志蒼字東山號春曉大興人乾隆辛酉舉人官燉煌

知縣有翺羽堂詩草

早行西直門外

曉發霧濛濛垂鞭野徑通平橋煙水北譙閣樹林東賸有  
蒹葭綠還生茵蔯紅翠微經雨後高巘倚天中

戴喻讓字思任號景臯漢陽人乾隆辛酉舉人官惠民

知縣有聽鷓鴣堂春聲堂諸集

詩話景臯嘗作仗劍論取古來不平事悉翻成案爲  
快意語介推還受祿屈原適樂國古人已先有爲之  
者又有臨漳曲結句云看君構架對  
東風老年欲作喬家壻爲隨園所稱

赤壁

未必功成後山痕便劫灰千年無戰伐此地有樓臺夢醒  
人俱古天空鶴自回深情吟兩賦江上幾人來

趙由儀字山南南豐人乾隆辛酉舉人有漸堂遺草

詩話山南與武甯汪朝南昌楊屋鉛山蔣士銓號四才子年未三十而卒其詩清而不厚吐屬要非凡語

出門

出門茫茫明日異鄉川路修阻燂波無梁飢寒驅我不知  
其可悠悠素懷生事相左南山採葛北山採蕨各抱紛紜  
誰爲相悅慷慨微吟風雲苦陰英雄有淚兒女何心

感遇

後凋美清松嘉樹頌朱橘當其歲寒時眾口亦如一豈知  
風雨來桃李發豔質依然成故蹊不復念蕭瑟感此傷浮  
沈白眼觀天日悲風起空山爲我耿紆鬱

曲逆不盜嫂塞侯不竊金數奇值讒口頗疑天下心人生  
非木石豈免多故侵文侯封謗書千載悲知音

女媧鍊采石遂補西北天愚公負太行山岳東南遷天傾  
亦可補地險亦可平人心終岷嶲何乃莫救焉惜哉大宗  
師枉司鑪炭權真宰不可問俯仰心茫然

丁卯寒食前一日汪輦雲滕王閣分賦

蕭然懷抱欲悲秋古樹荒煙出荻洲如此山川常作客平  
生心事在登樓文章有氣精魂在牛斗無光劍影愁不盡  
天涯今日意江風吹爾秣陵舟

題黃婆洞流月池

陰厓白日寒飛瀑散雲霧可惜水晶簾流向人間去

秋日西城遠眺

荒邑西風觸樹鳴出門延首向西行白雲村落半明滅黃  
葉人家時雨晴城角又催臨暮調野春閒送隔溪聲登臺

我亦悲秋客作賦長餘宋玉情

湯然睢州人乾隆辛酉舉人

夷門

夷門駐馬立踟躕烈士遺蹤尙有無公子若非虛左騎侯  
生祇合老窮途風吹汴水孤村暗木落秋城塞雁呼日暮  
荒原何處望千年頸血灑平蕪

李繩字綿百號勉伯長洲人乾隆辛酉舉人有封田剡

東諸集

詩話王西莊彙刻江浙十二家詩選勉伯及汪韓懷  
美檢芝蔡企聞王阿齡張鳳于顧學遜高同春廖琴  
學薛少文吳赤玉趙步庭多西莊友及門弟子阿齡  
其弟步庭其甥也諸家詩皆姚武功戴石屏一派篇  
幅稍隘清韻自饒

歸舟抵無錫望惠山

塔影入孤城帆迴落照明客同歸鳥倦山似故入迎野市  
橋邊酒春煙隴上耕何當訪僧寺汲水試茶鐘

楓橋夜泊

又復恩恩賦遠征烏噓霜月若爲情寺鐘漁火楓橋泊已  
是思家第一程

王垣字紫亭蒲城人乾隆辛酉舉人有嘯雪堂集

古滄州

頽墉十餘處云是古滄州茅店行人歇荒橋野水流鬱蒸  
初向夏寥落不關秋氣勢吞空闊由來踞上游

夕陽村

鄭國渠連客路長晚風吹送野花香夕陽村裏村春急又  
向村前望夕陽

吳可馴字驥調仁和人乾隆辛酉副貢有南澗詩鈔

沈椒園曰吾友吳東壁先生有三子皆賢而好學長名可馴字驥調少即以能文稱乾隆六年應鄉試入都僅以副榜貢成均乃摠其磊落之氣於篇什而詩逾工嘗赴宣化葺郡志凡塞外之土風山川草木之狀類秦漢以還之事蹟盡扶其奇闕以成書爲北方圖經所僅觀

九日袁子才庶常寓中平臺登高

平臺高倚梵王宮無限秋光到眼中一片閒雲沈遠塞數  
行歸雁界晴空可無黃菊酬佳節只有青山識寓公迴首  
故園風日好茱萸插帽幾人同

集苔花館題陸包山承天寺福興院畫卷

姑蘇遠近高低寺六十坊前慶雲被剎幢最古是能仁殘  
碑勒載蕭梁事北院禪棲花木深名流往往高軒寄誰與  
題壁杼麗藻石田倡韻楊祝次二公雄筆鎮山門直等江



心玉帶視六丁一夕下取將隔代吟魂熟招致包山水墨  
化結習濡毫灑灑含清思失詩乃以畫補之畫成詩亦復  
附志完斯公案非偶然詎獨老僧愛文字何時散軼來北  
原收入米家書畫記落花主人癖嗜古寶此不啻千緡值  
長夏招要避暑飲傳觀競樹詩壇幟塵世茫茫感廢興我  
來把卷發深喟前人捨宅矧浮圖後人據寺竊閨位可憐  
築土號三興黃葉西風驚夢寐日月光懸燭火息後宮滅  
盡雙蛾翠蘭若粗能復舊觀劫灰旋又幾銷毀斯圖歷今  
二百載前輩風流故未墜乃知壽世重文墨作緣底用金  
布地展之壁上當卧游疑有濤聲出松吹

太鴻徵君別買小舟以詩見示戲答

扁舟穩坐瘦維摩  
搖膝孤吟意若何  
自比襄陽泛書畫  
眞

堪笠澤狎煙波，片帆緩渡山容出。一榻涼收，水氣多，還有  
柁樓雲鬢在。卧聽子夜發吳歌。

同椒園丈登蓬萊閣謁東坡先生祠卽用先生取石

韻

高閣涵遠春，我來春欲改。長風起暗潮，萬頃琉璃碎。上映  
丹青壁，硤砢分錯采。下泊彈子渦，噴薄珠石琲。撫景懷古  
人，先生遺像在。想當守郡時，談笑吐雲海。雄筆振神山，壯  
觀空大塊。祇今讀殘碑，和者誰與對。歎絕茲游，奇客抱豁  
以解歸路，指東萊花開猶我待。

朱仕玠字碧峯號筠園建甯人乾隆辛酉拔貢官鳳山

教諭有溪音集

彭蠡

彭蠡渾無地茫茫天共青秋風欲下雁落日正揚舲北會  
分吳楚東流接洞庭漁歌乘夕起愁絕若爲聽

成懷祖字尚義號北樵大名人乾隆辛酉拔貢官邠州  
州判有闕西橐草

對月

吏閒眞似隱寒柝靜宵分明月空廊得哀鴻獨夜聞風吹  
松作雨山縱火燒雲幽境誰知者孤吟寫斷紋

晚晴移詩匯卷七十五終

晚晴簃詩匯卷七十六目錄

沈德潛 四十六首

袁枚 四十一首



晚晴移詩匯卷七十六

徐世昌

沈德潛字確士號歸愚長洲人乾隆丙辰舉博學鴻詞  
己未進士改庶吉士授編修官至禮部侍郎加尙書  
太子太傅贈太子太師諡文愨有竹嘯軒詩鈔歸愚

詩鈔

彭翰文曰公詩法盛唐尤以少陵爲準的所選漢魏  
六朝唐明詩數十卷四方學者咸宗趨焉袁子才  
曰公詩專主唐音以溫柔爲教如絃匏笙簧皆正聲  
也王德甫曰先生少從學於葉星期變葉居橫山  
故阮亭尙書云橫山門下尙有詩人先生本源漢魏  
效法盛唐宗老杜次及昌黎義山東坡遺山下至青  
邱空同大復臥子阮亭皆能兼綜條貫嘗自  
進其集御製序以高王爲比誠定論也  
詩話歸愚論詩專宗盛唐持論純正守律謹嚴得第  
時年已六十七高宗詔爲名宿晚達特見龍睽不  
數年卽陟卿貳幾服賦詩輒引與考索嘗詠覺生寺  
大鐘有句云道衍儼被榮將命歸愚逐錄易爲榮園

諭謂榮將乃黃帝時鑄鐘者本未嘗誤且日載籍極  
博有朕知汝未知者亦卽有汝知朕未知者嗣後有  
見卽言毋用嫌避其虛心延納如是御製竹牘軒  
詩鈔敘許爲伯仲高王並以歸愚義取昌黎去華就  
實有君子之道焉及既告歸遙爲廣唱與錢文端並  
稱二老迨奏進所選國朝詩別裁以牧齋居首手詔  
詰難命詞臣改訂歸愚至九十有八而終身後卽  
仍極優渥後以徐述夔一柱樓詩有觸忤語卷首歸  
愚爲作序傳遂至仆碑奪謚而懷舊詩中仍與文端  
同列五詞臣所謂以詩始以詩終前代以文學被主  
知者未  
能及也

### 過白石翁隱居處

長湖浩煙波遙村隱雲樹扁舟獨溯洄繫纜清溪渡荒岡  
旣盤紆畝邱亦回互緬懷古逸民言尋棲隱處子孫秉先  
訓累葉事農務遺安人所難世遠見貞素松楸鬱茫茫清  
風古來墓

### 訪如來菴

寒雲覆山頂，隱見最高峰。遂造林中寺，纔聞午後鐘。窗明半嶺雪，門掩斷崖松。分院平生願，從誰話箭鋒。

春日村行

果腹竟何事，蕭然曳屐行。閒共白雲往，步尋流水聲。墟煙凝雨重，耕犢負犁輕。獨立板橋望，春山面面橫。

景陽鐘歌

老龍鬚鬚蟠秋草，草根蟪蛄弔昏曉。摩挲猶識永明年，銀泥幾見乾坤老。端門鼓漏隔宮闈，夢暝香濃曉不知。殿角星殘聲乍響，景陽樓上畫眉時。雲龍門開移廟主，從此蒲牢卧紺宇。何似銅仙辭漢宮，迴望咸陽淚如雨。

觀音閣

歷屨峭壁聳雲端，高閣千尋俯激湍。隔岸潮聲凭檻聽，過



江山色卷簾看鵬盤寥廓秋風急帆入空濛夕照殘極目  
長天杳無際楚雲漠漠不勝寒

泊舟千畝潭懷陳樹滋

悠悠棹扁舟泛泛清溪曲夕陽淡平林長空下孤鷺村遠  
斷人煙言就蘆洲宿遙憶忍飢人日晚餐杞菊

晚過龍井菴

衝寒過野塘到寺日將沒齋廚動微煙高松落殘雪欲共  
枯禪語相對無言說

水亭

澗水合眾派亭隅瀉潺湲水石本無聲相觸偶成喧清冷  
契真性靜聽欲忘言因思洗耳翁猶厭瓢聲煩

白隄春興

破楚門西更向西畫船雙槳白公隄人家臨水花爲市僧  
舍沿山石作梯弱柳似隨歌扇拂好鶯偏傍舞筵曉討春  
年少情難盡不許亭亭日色低

題黃宣畫魚障子

萬曆時人

黃宣畫魚得名勝國時于今猶傳畫魚障尋尺之間分島  
嶼滾滾波濤起寒漲千魚萬魚集堂上小魚游泳隨風浪  
大魚獨立勢倔強想當經營時天趣妙入神走筆掃絹素  
歛忽開金鱗亦復工遠勢沙平雲淡纖毫分漁翁小艇楚  
江岸美人竹竿淇水濱又疑積石旣鑿龍門通水勢直趨  
滄海東赤鯉已趁洪濤風震電熒熒行虛空騰身直上成  
飛龍古來屈伸變化數伊呂莘渭奮跡還相同人生局束  
良可恥泪沒泥沙爲貪餌縱游宜入滄波中勿復噉喙戀

形跡卷言四十一  
三  
沼沚收圖忽卷雲濤堆匹綃隱隱生風雷

田家雜興

村墟起暝色牛羊各來歸田家晚炊罷猶自開柴扉鄰里  
夜相過團坐情依依共誇麥苗盛共憂桑葉稀兒女齊長  
大所需食於衣地遠人俗淳言語心無機祇談農家事焉  
知誰是非

白雲護山村紅葉隱茅屋門前跨板橋戶後羅修竹牛閑  
繫道旁磨癢向古木是時秋風高霜重秔稻熟老農顏色  
喜早晚食新穀惟苦欠文墨舉動成鄙俗今年幸有秋送  
子入里塾

游五雲洞

山齋飯初罷步入空巖裏來尋五雲洞雲根露齒齒寒泉

清道心松風滌塵耳老僧木石年坐閱人代駛相對不說  
法頗得清靜理石牀難久留寒光逼衣履晚鐘送歸客遙  
林夕陽紫

游南山石壁

石壁插湖口磔裂具萬狀蛟龍拔古湫陰崖闕靈藏亂挂  
猢猻藤樵人不敢上湖波齧山足衝激聲愈壯取徑入巖  
腹路危藉筇杖放眼眺震澤滌潏失歸向衝漫與白浮山三  
名左右列屏障遠峯吐青螺點點貯盤盃生平山水胸及  
茲始一放天風吹衣裳撲面濺寒浪悄然覓歸路沙磧行  
可傍落日不逢人林端起樵唱

自米堆山過錢家礪取道至漁洋灣入曇花菴作

米堆下林麓舉眼納莽蒼上漁洋卧湖波遠望平於掌言

經上陽村微徑穿榛莽離落午雞鳴煙叢人語響居民傍  
蘆洲家家業漁網透池之漁洋山坳路紆枉具區覽全勝  
背面俱滂泱曇花隱蒼翠行客斷還往枯禪禮佛餘清磬  
出方丈晤彼靜者樂頓作遺世想他年擬誅茅聊此息塵  
埃

暨陽翁靜子枉過草堂

風竹蕭蕭晝掩門久無筇屐破苔痕忽傳江上青衫客來  
訪溪南黃葉村千里相思勞仲悌一人知己感虞翻文章  
自是吾生事試與高賢共榻論

錢武肅王鐵券歌

錢塘錢氏王家孫忠懿以後爲齊民家藏乾甯舊鐵券精  
采斂目光彌新自言先世曾避賊亂離棄擲江之濱漁人

網魚得古鐵有如周鼎出泗濱裔孫換歸十斛米世世什  
襲稱家珍文云皇帝嘉賚汝官汝太尉兼諸軍誅宏殺昌  
盪渠寇捍衛王室崇殊勳恕汝九死子三死長河泰華國  
永存欽哉汝鏐其敬聽頒示天下文云云從來事往祇陳  
迹唐家事業同煙雲吳越四傳旋納土至今臨安宮闕皆  
成塵我來浙西訪古迹錢王寂寞留荒墳昔聞山林裏錦  
繡今見壞道眠麒麟表忠舊觀亦頽廢斷碣剝蝕叢荆榛  
隆隆霸業竟何在惟有銘功鏤版傳千春子孫奕世念祖  
德無忝忠孝承清門

折楊柳歌詞

長條爾何物送郎天邊去恨不持斧戕斫盡江頭樹

送劉東郊之閩中

節序逢搖落，況當君遠行。難爲今日別，并見古人情。客路千江雨，秋心萬木聲。蔗洲如已過，應近越王城。四海爲家客，閩中又此回。不須行旅斷，已是夜猿哀。馬甲隨潮入，鮫宮向月開。知君重懷古，獨上釣龍臺。

甘露寺

高閣眞疑坐，九霄鐘聲遠。送海門潮峰巔，片石留三國。檣外長江咽，六朝何處雲。煙辨吳越此，間蒼翠壓金焦老。僧猶說孫恩亂，白骨青燐尙未消。

王韓起見過時值九日

把卷思良友，天涯客正來。江鄉逢令節，陰雨罷登臺。貧賤甘吾道，文章讓汝才。悲懷兼別緒，款款話深杯。

落魄滯江皋，三年一布袍。長貧眞到骨，眾論尙吹毛。摧抑

名偏盛艱難志愈高撫時還慟哭賈誼是吾曹

同京口余文圻登蒜山憩清甯道院時春盡日

吳破魏時

武侯運籌山間改名算後改名蒜  
宋武帝破孫恩兵十萬在此山下

相攜筇竹上晴空木末遙遙磴道通  
鐵甕帆檣雙屐下佛狸城郭亂煙中  
運籌羽扇懷王佐破敵長刀數霸功  
事業銷沈山色在底須吾輩別雌雄

峰巔突兀睇無垠吳楚蒼茫幾點塵  
天地本來成逆旅江山從古屬閒身  
松門瘦石樵家路瑶草金光道院春  
慚媿玉皇香案吏階前暫作埽花人

喜晤張子永夫

鐘鳴羣動息明月出巒嶺疎林散浮煙  
平莽接餘景並坐玩清光慮澹無可屏  
人生幾會合况此良夜靜因思後面



難轉惜前別永坐久風露寒空山孤鶴警

登清涼山

躡磴上煙叢雲木性所戀無風松自響有澗路疑斷茲山  
未峻極祇齊蔣陵半清曠豁遠目指顧得壯觀大江岷峨  
來一氣混瀾汗羣山龍蜿蜒千里作屏翰城郭環蝦蛻煙  
火逾百萬繁華江左雄形勝天下冠六代等置碁紛紛幾  
龍戰真人起濠泗創業區寓縣考卜協地靈定鼎屬天眷  
末季煽腥氛神器喪荒晏宮闕址已湮興替理可見事往  
迹恍惚感來情悽惋惟有青山色今古常不變

過學山園

閒園莽蕭瑟獨游適亭午深林唳竹雞石梁竄松鼠旅葵  
長於人藤花落如雨緬當斷手年經營閱寒暑雖非平泉

莊彷彿朝川墅文藻散荒煙聲華委黃土澗泉咽不流似  
訴興衰語

過陳亦韓山居

偶然戀雲蘿移居向山澤悠游三畝園昕夕對木石虞山  
一角青時露太古色猿狖當僮僕花藥侍巾舄豈輕人爵  
榮習靜自成癖君看虞羅旁何礙沙鷗適

游天池

山靈招我深輕策上層阪巔頂涵清池坎三艮三象成蹇  
水寒魚不生穴黝龍疑偃偃想當融結初天匠費鑄鏗鑑影  
鬚眉寒洗心煩鬱遣沿緣把垂藤趺坐藉蒼蘚是時暮樵  
還風送歌聲遠雲凝蘿徑溼煙動僧廚飯聊追謝監游詎  
同阮公返不見青蓮花羽化空遙緬

宿清足軒贈鳴謙鴻漸二釋子

飛鳥晚投林子亦棲方丈開簾耿明河東峰月稍上相對  
道門舊窅然斷心想觀空得縣解超塵指迷罔夜靜聽始  
清風泉發幽響

支公塔

塔在北峯下有永和六年十一月初六日第  
一代傳法僧支公等字下漫滅不可識或傳

王右軍書恐  
附會語也

松陰媚淪漣境冷人踪滅中峙翠堵波高僧此歸骨蘭亭  
未會前紀載何人筆岬山與沃州兩地空禪窟魂魄應在  
茲雲泉伴清絕時有野鶴飛空山叫殘月

贈蓮花洞僧泊雲

曠屹千筍地古洞晝冥冥中有無家客石牀閒誦經休糧  
時斷火汲水偶攜瓶不許俗人到白雲常掩扇

山居雜詩

英身緣象齒累俗爲豬肝與世一無擾始知天地寬藥苗  
隨徑采茶竈任童安行覓鍾吾路

即穹窿山赤松子采藥處

丹

晚入鄧尉山宿還元閣

晚鐘流巖壑尋聲經疊嶂重游二十年雲山故无恙來登  
四宜堂聊此息筇杖老桂漸凋殘吾生豈強壯憑軒送遠  
目百里納清曠晴雪漫陂陀香風透屏障花影連湖光夕  
陽搖滉漾俄頃寒煙凝嵐嶺換形相夜投還元閣高枕鳥  
巢上風雨驚夢魂松濤入紙帳

鹿山橋夜泊

渚禽亦歸巢孤舟維野岸月上霜煙空寒樺白於且犬吠

識荒村泉響緬深澗清極難成眠寂寥夜將半

雨餘泛舟三潭同厲樊榭孝廉作

雲移高峯峯不定湖波過雨光逾淨佳人彷彿洗鉛華  
隔紗微窺晚妝靚一枝柔艣蒼茫外綠蓑青笠元真態不  
遺南屏孫太初枯禪瘦鶴誰同載輕船準擬泊三潭鷗鷺爲  
羣我最堪聽罷晚鐘煙際宿荷花深處夢江南

題姚荃汀侍御八分冊後

以漢唐各碑體書陶靖節詩二十餘章

漢唐八分分二體漢尙古拙唐端嚴面目變換神理合夏  
漢何必殊韶咸後人追樞獵形似漫與石刻爭豪纖小夫  
專長畫界域如以越罇調燕函先生鋒陶漢唐格義娥星  
宿龍佩魯漆都石經夫人行太山封禪相駘驥箕張鼎萃  
象緯列劍抽戟向寒銛銛體格上下溯程邈詩句夷愴書

陶潛巡行三輔抑豪橫欲使黎庶歸和誠行行且止避馳  
馬公獨揮翰垂彤幃威名霜清筆道折吏治文苑公能兼  
我生嗜古逞筆力延熹苦縣心所欣披閱此册退三舍驚  
馬那許追驚帆當今惜無好事者誰爲趙嘏與郭髯驪珠  
藏還好什襲應有光皎騰東南

贈吳琳巖孝廉卽送歸吳興兼簡家諭翁太史

我昔曾游道場山雲迷未款名賢關今年臨安得會合轉  
恨十載遲追歡先生老境興跌踴後輩應推丈人行經年  
矻矻事編纂提要鉤元戒冗長咕囁素鄙臨汝侯齷齪還  
嗤竈下養惡言不入絲耳聾問事瞪目神常聽外人狎侮  
時取編何異蝦蟇嘲神龍我雖冠事實卽事藉君金鏡開  
瞽矇長篇許俾萬人讀五字散出僊階攻酸醜殊俗二老

合如蒿倚松，距得蜚屣隄。看花並移棹，高峯瞰海同扶筇。  
朝來分張故山去，冰鱗差差陰氣沍。斷鴻西望下寒雲，遙  
指雪溪溪畔路。吾家康樂久懸車，焚卻銀魚學釣魚。白蘋  
之洲儻相遇，道我新修種樹書。

舟行魯齊境不得望嶽作歌

婚嫁勞我生，年來已粗畢。而何五嶽游，虛願未償一。今年  
西笑之神京，願上太山絕頂凌崢嶸。第一峯頭駐雙足，放  
眼萬里窺蓬瀛。扁舟邈邈越淮甸，順流忽過鍾吾縣。泗水  
亭荒憶漢業，嶧山碑廢懷秦篆。杜陵南池紀文藻，太白酒  
樓緬觴謙。魚陶蒙菴指點中，岱宗隔斷書難見。同舟吳季  
子，子士士衣衣素素圍圍圍圍蕭蕭蕭蕭十十煮煮盤盤坐坐有有神神人人居居樓樓觀觀縹縹緲緲聞聞  
雲氣乍有無，十三三蕭蕭封封禪禪處處金金泥泥玉玉簡簡空空追追暮暮星星辰辰高高

歷從下看帝座直逼憑空呼其下亭亭云云列培塿恍如  
長老招手見孫趙畫圖令我興飛越轉惜天門無路筇難  
扶黃河雖經流滄海青帝未識雲模糊山靈笑我胸次隘  
那能氣吞齊魯直溯鴻蒙初宵來夢羽人授我祕府冊攜  
贈仙人九節杖宇內名山許探歷他年終作岱嶽游日觀  
高高夜栖息三更看湧扶桑輪羣飛海水搖金碧

遣興

鄰樹散初榮空庭藹餘綠枝間小鳥鳴清音愛晨旭靜坐  
觀物化新機往而復吾心適無事閒展道書讀炫長斯見  
短希榮乃得辱入世戒有爲養性在無欲窗外響松風茶  
鑪煮初熟

憶方外亡友樾亭



方外情親似弟，曩幻雲散後，了無痕。軍持拂子，俱零落，只有寒流遶寺門。

過許州

到處陂塘決，決流垂楊，百里罨平疇。行人便覺鬢眉綠，一路蟬聲過許州。

平靖關

荆豫分疆處，天然屹此關。斷崖通一綫，絕頂控千山。地險風雲壯，時清戍守閒。當年龍戰日，飛鳥尙難還。

抑堂送春

故交落莫返江濱，送客何堪又送春。天下有情俱惜別，坐間無語不傷神。賣花聲歇開深巷，拾翠人稀駐畫輪。此日風懷且中酒，朝來惟見綠陰新。

玉甕歌應制

廣寒殿中大玉海聲價高於古鼎鼐于闐職貢供雕鏤水  
族百怪窮神姦詐馬宴餘陳几席障以闌杆耀金碧君臣  
飲酒歌樂豈取醉正須三十石劫灰飛後歸琳宮伴侶瓦  
缶醜青菘有如周宣獵褐鞅辛鼓民間作皿供杵春文明  
之世榮光發寶鼎仍從泗濱出移置承光殿名位帖妥牟敦  
丹彝共羅列金源古檜蟠青蚪檜一株相傳金時物蔭此至元溫潤  
質從來精氣難埋藏塵埃拂拭增輝光聖朝不貴難得物  
寶器自合登明堂嗚呼寶器自合登明堂豈獨軒轅瑪瑙  
之甕盛天漿

袁枚字子才號簡齋錢塘人乾隆丙辰舉博學鴻詞己  
未進士改庶吉士官江甯知縣有小倉山房詩集

薛家三日隨園先生論詩之旨一見於集中答歸愚  
 宗伯書再見於續詩品三十二首凡古人所未道者  
 業已自道之按其所編行藏交際其才以為文辭歌詩  
 傳曰君年甫四十絕意仕宦盡其才以爲文辭歌詩  
 見人善稱之不容口後進少年詩文一言之美君必  
 能舉其詞爲人誦焉君古文四六體皆能自發其思  
 通乎古法爲詩尤縱才力所至人所欲出不能達者  
 悉爲達之士多效其體王蘭泉曰子才華既盛  
 信手拈來於新闢捷不必盡遵軌範且清靈雋妙筆  
 舌互用能解人意中蘊結然謝世未久頗有違言吳  
 君嵩梁謂其詩人多指摘今于汰淫哇刪  
 蕪雜去纖佻清新雋逸自無慚於大雅矣  
 詩話簡齋詩本清超特好以天資使其學力往往儻  
 寡不自矜練能狀難顯之境寫難喻之情又好以通  
 俗語入詩以古今事供其玩弄成如脫口實亦由醞  
 釀而來晚節之受話病尤在詩話一編所采誠多猥  
 濫論詩雅有深識後來流爲末派自是學者之過蘭  
 泉持論特爲平允今卽其經意之作慎擇以存一家  
 體格

行役雜詠

男兒年二十漸衰珠玉顏况乃遠行役風霜悴其間飲酒

未及醉坐看白石還所著一尺高不供史家刪勉旃崇節  
業銀管長斑斑否亦鍊玉液金骨列仙寰生人皆山水且  
共耐清閒

看山有所得日暮聊爲文厭聽舟人子村語徒紛紛醞釀  
非素樂典墳憤所忻萬謀窘一字迫如臨三軍

無心推蓬看不意與月近欣然卧以觀星盡惟斗柄始之  
肌膚寒久乃心肝映白雲如覆被人面漸貼鏡萬里湛清  
華九天涵綠淨狂癡不能還吾亦見吾性

南游過楚江西征臨越甸當塗想分割龍津憶征戰或營  
酸棗臺或起明光殿平矜開歌舞危巘收組練亡何歲似  
流悲哉日似電白骨埋中原朱肩罷華宴史冊尙流播山  
川滅聞見秦宮無遺瓦漢苑少殘箭荒煙廢冢傾衰草流

聯珠老詩圖卷之十一  
三  
螢徧黃雲自南飛白日但西暝閒寂窘游志衰颯窮遐勝  
慨然至于今歎者凡幾徧平生豪橫心雖悟不得遣

登華山

太華峙西方倚天如插刀閃爍鐵花冷慘淡陰風號雲雷  
莽回護仙掌時動搖流泉鳴青天亂走三千條我來躡芒  
躡逸氣不敢驕絕壁納雙踵白雲埋半腰忽然身入井忽  
然影墜巢天路望已絕雲棧斷復交驚魂飄落葉定志委  
鐵鐐閉目謝人世伸手探斗杓屢見前峰俯愈知後厯高  
白日死厓上黃河生樹梢自笑亡命賊不如升木猿仍復  
自崖返不敢向頂招歸來如再生兩眼青寥寥

晚宿淨名寺步鐵障城認一縷天

游山惜寸陰得暇卽尋討步入鐵障城城高天漸小打頭

灑珠璣溼我縑單衣似雨恰非雨濛濛山溜飛諸洞空中  
懸道是猿猴宅頗有高人風呼之不肯出踏溼兩芒鞋流  
連那肯回一綫天未過一綫月又來

至黃厓再登文殊塔觀瀑

黃厓天上生對面作浪起我頭不敢仰誠恐浪壓己豈知  
下望深青天反作底山外有山立山內有山倚頗類人衣  
裳幅幅有表裏忽然暴雨來人天一齊洗避登千尋塔正  
對一條水瀑布從高看匹練更長矣始知開先寺相離咫  
尺耳只爲絕巘遮紆行十餘里

游風洞登高望仙鶴明月諸峯

泱泱天大風誰知生此洞古劍劈山開千年不合縫我身  
偃偻入風迎更風送折腰非爲米縮脰豈畏凍偶作磬欬

聲一時答者眾，砵散非扣鐘。弁鬱類裂甕，奧草挂綿絡。陰  
冰凝蟠蝮，游畢再登高。出洞如出夢，一筇偃又豎。兩目闌  
復縱，遠山亦獻媚。橫陳怪石供仙鶴，不可招。明月猶堪弄  
底事，急歸來雲溼衣裳重。

水西亭夜坐

明月愛流水，一輪池上明。水亦愛明月，金波徹底清。愛水  
兼愛月，有客登西亭。其時萬籟寂，秋花呈微馨。荷珠不甚  
惜，風來一齊傾。露零螢光溼，屢響蛩語停。感此元化理，形  
骸付空冥。坐久并忘我，何處塵慮擾。鐘聲偶然來，起念知  
三更。當我起念時，天亦微雲生。

雨後步水西亭

雨氣不能盡，散作滿園煙。好風何處來，荷葉爲翩翩。羣花

浴三日意態柔且鮮幽人傾兩耳竹外鳴新泉啁啾一鳥  
歇閣閣羣蛙連暝色起喬木斷虹媚遠天蝸過有殘篆琴  
潤無斷絃憑闌意清悄與鷗相對眠

玉泉觀魚

玉泉何澄清銀河移在地戢戢萬魚頭空行渺無際紅鱗  
色陸離白小影搖曳窺客若有情銜花儼相戲池間荇藻  
長風定水煙細可惜夕陽沈鐘聲雲外至春山生睡容游  
客有歸意回首波紋平淡月僧門閉

寶刀歌爲雲若司馬作

雲若司馬眞英豪磨墨捉我題寶刀此刀不許俗筆寫也  
須筆健如刀者拔鞘相夸風滿庭將拔未拔刀先鳴電光  
熒熒射窗冷夫容飄飄上手輕伸則鏗然屈則轉從古英



雄善舒卷海上長鯨見汝愁月中丹桂爲誰短精鐵鎔成  
歷幾年孟勞身分壓龍泉可磨巴漢三江水可走哥翰萬  
里天摩挲擬叩金環問吾戴吾頭不敢近今年六月如秋  
涼疑是刀來照此方吁嗟乎神農藥堯舜法一半生人一  
半殺不如君家此物知恩仇不報仇時繞指柔

觀大龍湫作歌

龍湫山高勢絕天一條瀑走兜羅綿五丈以上尙是水十  
丈以下全爲煙况復百丈至千丈水雲煙霧難分焉初疑  
天孫工織素雷梭拋擲銀河邊繼疑玉龍耕田倦九天咳  
唾脣流涎誰知乃是風水相搖蕩波回瀾卷冰綃聯分明  
合并忽迸散業已墜下還遷延有時輒舞工作態如讓如  
慢如盤旋有時日光來照耀非青非紅五色宣夜明簾獻

九公主諸天花散維摩肩玉塵萬斛橋叟賭明珠九曲桑  
女穿到此都難作比擬巋然獨占宇宙奇觀偏更怪人立  
百步外忽然滿面噴寒泉及至逼近龍湫側轉復髮燥神  
悠然直是山靈有意作遊戲教我亦復無處窮真詮天台  
之瀑何狂顛雁山之瀑何蟬嫣石門之瀑何喧闐龍湫之  
瀑何靜妍化工事事無復筆一瀑布耳形萬千要知地位  
孤高依傍少水亦變化如飛仙

聞魚門吏部充四庫館纂修喜寄以詩

文思天子搜遺書子以文名領石渠士安不用借五車  
嬾嬾福地張華居憶昔蛩蛩附蛇虛兩家簡牒爭搜儲愛而  
不見心瞿瞿一朝去我翔天都明堂大開招羣儒青藜太  
乙從從趨四千年物盡輓輸朱文綠字體製殊龍威玉牒

元皇符漢唐所少元明無咸集舜陛來堯衢酉山光芒燭  
太虛子與蘭臺諸大夫雙眸一串牟尼珠部居別白分鏘  
銖縱難讀盡在須臾但觀大略亦足娛有如餓腹餐天廚  
朵頤未動口欲吐又如大海游蟬魚恣汝屬饜樂有餘問  
誰有此遭逢歟領百萬軍恐不如我猶未免爲鄉愚聞見  
狹隘探索疎側身西望空嗟吁不能從子爲書奴願鈔書  
目遙寄子俾得約略知些須此身不負生唐虞

春寒

重裘逢二月袖手步芳林殘雪有餘色百花無競心踏青  
苔影薄禁火客愁深傾耳碧溪畔黃鸝遲好音

夜過瓜洲

霜雁一聲語煙江兩岸秋蘆花三十里吹雪滿船頭我欲

乘潮去孤帆夜不收蒼茫雲樹外明月出瓜洲

十一月十三日冷水步夜起玩月

霜月兩澄鮮孤蓬夜悄然自攜雙鬢雪獨對一江煙  
僵樹立如鐵寒星搖滿天橫斜幾枝槩也學榜人眼

夜過借園見主人坐月下吹笛

秋夜論秋士先聞水上音半天涼月色一笛酒人心響  
遏碧雲近香傳紅藕深相逢清露下流影溼衣襟

禹陵

天地平成始皇王禪讓終一人生石紐萬古闢蠶叢玉斗  
胸垂象金鞞耳啟聰尋書齋委宛受牒作司空地險龍門  
鑿人功鳥道通爲魚援赤子幹蠱慰黃熊學裸姑徇俗乘  
櫟又轉蓬庚辰禽水怪豎亥步崆峒貳負甘雙楫將軍號

百蟲嘗聞下車泣忍過羽山東破石佳兒出開山遁甲窮  
勤能師翠子威不赦防風息壤波全奠扶桑日更紅過門  
心澹泊造粉事朦朧鑄鼎神姦列遐方玉帛同偶然巡越  
甸遽爾墮軒弓身自跳天上棹應葬穴中葛綳煙露冷陽  
眄水雲空復土來蒼鳥南風送祝融江山猶拱侍廟貌更  
穹隆真冷懷文命偏枯想聖躬兩廂環岳牧九殿拜兒童  
窆石摩挲古衡碑刻劃工微臣擎旨酒不敢獻元宮

隴上作

憶昔童孫小曾蒙大母憐勝衣先取抱弱冠尙同眠髻影  
紅燈下書聲白髮前倚嬌頻索果逃學免施鞭敬奉先生  
饌親裝稚子綿掌珠眞護惜軒鶴望騰騫行藥常扶背看  
花屢撫肩親鄰驚寵極姊妹妒恩偏玉陛臚傳夕秋風榜

發天望兒終有日道我見無年渺渺言猶在悠悠歲幾遷  
果然宮錦服來拜墓門煙返哺心雖急含飴夢已捐恩難  
酬白骨淚可到黃泉宿草翻殘照秋山泣杜鵑今宵華表  
月莫向隴頭圓

澶淵

路出澶河水最清當年照影見親征滿朝白面三遷議  
一角黃旗萬歲聲金幣無多民已困燕雲不取禍終生行人  
立馬秋風衰懊憹孱虜王早罷兵

景泰陵

兩帝當年一曲闌西山藁葬草漫漫目夷守國才何大  
叔武迎君事本難金鎖門高星象動玉連環小淚珠乾阿兄  
南內如嫌冷五國城中雪更寒

柳子厚詞

金章紫綬照江濱王者衣冠古逐臣但說權門難託足誰  
知文士易成神宮庭慷慨伊周事湘水淒涼屈賈身賸有  
荔支丹一曲至今歌徧楚南人

出山詞

天涯有客賦長征身要從容馬不停故節又從江左認移  
文應向北山聽梅花送我開如雪春草留人綠滿庭攬轡  
揮毫緣底事幾行僮約付園丁

出門身在百花前難免花枝笑獨眠南陌馬衝紅杏兩竹  
樓書鎖綠楊煙長拋春色偏正月小住名山合四年薄宦  
心情江上水好風吹處便開船

謝太傅祠

一笑翩然載酒行東山女妓亦蒼生能支江左偏安局難  
遣中年以後情花下殘棋兒破敵燈前老淚客彈箏荒祠  
隔葉黃鸝語猶似當初絲竹聲

臨安懷古

曾把江湖當敵攻三千強弩水聲中霸才越國追句踐家  
法河西傲寶融宰樹重重封錦繡宮花緩緩送春風誰知  
苦創東周局留與平王避犬戎

峴山

浮生幾載青山酒名士常爲萬古愁雙淚偶揮羊太傅一  
碑如補晉春秋樓傳黃鶴仙何在珮解明珠水自流今日  
敬兒天下滿襄陽片石若爲留

赴官秦中



彤暉彩詠 卷七十一  
六朝雲物舊淹留更向咸陽作壯游萬首詩編秦楚地半  
生官領帝王州未知兩陝誰吾土孤負三吳說故侯到得  
函關應四月行人爭耐一春愁

過鄴下弔高神武

唱罷陰山敕勒歌英雄涕淚老來多生持魏武朝天笏死  
授條侯殺賊戈六鎮華夷傳露布九龍風雨聚漳河祇今  
尙有清流月曾照高王萬馬過

杜牧墓

蕭郎白馬遠從軍落日樊川弔紫雲客裏鶯花逢杜曲唐  
朝春恨屬司勳高談澤潞兵三萬論定揚州月二分手折  
夫容來酌酒有人風骨類夫君

哭襄勤伯鄂公

聽築長圍幾萬重將軍匹馬獨臨戎天山掃雪兵猶戰青  
海唳烏帳已空拜表淚流秋草上彎弓絃斷夕陽中男兒  
欲報君恩重死到沙場是善終

謁史文靖公墓

手供蘋蘩當束脩先登華屋後山邱九原尙想師隨會一  
疏曾經識馬周蓋代勳華雲影在滿堂絲竹水聲愁知公  
泉下應憐我如此英年也白頭

公爲己未館師乍見喜曰  
如此英年命擬奏疏一通  
第一

泊舟平望借齊次風宗伯周蘭坡學士訪玉川居士  
輕帆爲我慰離羣得見梅花又見君三徑苔痕藏草屋一  
湖水氣溼春雲風停篆影微微直雨歇鶯聲漸漸聞彈指  
來游剛十載當筵莫惜酒杯醺

題沈凡民蘭亭卷子

凡民與王虛舟表魯清交最狎

臨蘭亭一本互角精能畫者作流觴曲水貌三人於其中無何魯清死又數年虛舟死凡民每哭一人則跋數語於卷尾乾隆十六年十一月凡民來白下出圖命題余生晚不獲見裘王兩先生而其時凡民之官建德余又將赴長安感三友之多情逢兩人之將別磨墨愴然不能自己

先生垂老淚星星行篋常攜感舊銘  
一代交情存筆墨  
三人顏色付丹青酒杯白社秋來憶玉笛  
山陽雨後聽五十二年鴻爪在昭陵風雪滿蘭亭

浮生難挹魯靈光風義羊求事渺茫  
兩晉書亡王內史六朝人剩沈東陽  
金仙次第辭西漢宮女憑誰說上皇惆悵  
鍾期來海畔斷琴彈落一天霜

春柳

欲訴衷腸萬萬條  
滿身香雪未全飄  
新絲買得剛三月  
舊

雨吹來似六朝綠影自遮南北渡春痕分護短長橋五株  
一入先生傳不學柔枝亂折腰

再題賈太傅祠

一別先生五十年洛陽年少也華顛自憐枉受吳公薦白  
首重來意惘然

山中絕句

青蘆葉葉動春潮隄上楊花帶雪飄滿地月明仙鶴語碧  
天如水一枝簫

春日雜詩

千枝紅雨萬重煙畫出詩人得意天山上春雲如我懶日  
高猶宿翠微巔

水竹三分屋二分滿牆蔭荔古苔紋全家雞犬分明在世

上遙看但綠雲

晚晴移詩匯卷七十六終

晚晴詩匯卷七十七目錄

姚範 五十首

金性 一首

楊述曾 一首

閻循琦 一首

寶光籟 七首

奉寬 二首

李鈞簡 二首

王太岳 十五首

鄭虎文 六首

邵齊燾 十首

杜若拙 一首

熊爲霖 五首

李應熙 一首

國棟 一首

徐浩 一首

李棠 三首

李化楠 九首

莊綸渭 二首

田志隆 二首

廖運芳 二首

郭浚 七首

黃道愨 二首

劉臻 一首

顧邦英 三首

彭坊 二首

晚晴簃詩匯卷七十七

徐世昌

姚範字南青號薑塢桐城人乾隆壬戌進士改庶吉士

授編修有援鶉堂集

詩話薑塢爲惜抱世父世稱大姚先生其詩善於儷事導源義山而別開蹊徑實與崑體不同亦無宋人粗勁之習包慎伯稱其詩文必達其意絕去依傍自成體勢在翰林時同館袁子才欲其贈詩竟不可得可以知其異趣矣惜抱恆言學所自出方植之極重薑塢評定古今人詩話李申耆推爲片語破惑單義樹鵠蓋有表章之者而其名始著也

讀史

靄紫旣燄熄漢道炳朱光眞人起白水河圖協會昌於赫  
建武世景燦速明章芝醴日翕集禮樂何焜煌邈矣跨千  
載懿哉冠百王誰知運期氏遼遼歌未央驅馬去國門哀



茂惜餘芳乃悟古人心故非羣所量雲臺繪四七賦頌侈  
班張以質質春士不足揚糝糠悲哉璿樞運河海流湯湯  
皇王若夢覺天地就龙涼斯人不可作慨然我心傷

當塗竊國枋八紘掩中州隋珠旣在握荆璞亦冥搜繇明  
黜廟議揚班爭匹儔漢典何郁郁學辭良優優南皮清寔  
接西園秉燭游謂當致高蹈何意摧華朝體弱旣足病肥  
籟亦爲羞空文侔日月楨幹委山邱遂使三公位徒噉孫  
仲謀

西園旣諧價左騶督禮錢五百意未殊小靳可萬千此例  
遂垂則意氣匪魚蠹垣閤拘被賤士操危不全日進尙未  
足月進豈待宣判官及刺史繹繹連車船我聞畜淘河終  
日循洲塹魚蝦雖滿胡吐去不填咽又聞鞞鷲鳥雉免飽

霜拳食之僅一鬻縱掣肘條鏃嗟哉中林卉侯粟傷屈卷  
矯翼雲天際冥冥戾鶉鷩小雅今已廢斯義其誰箋空懷  
皇古世德至珠藏淵

邁馮辭荆政暑氣而繭衣王子逃丹穴越人薰出之高位  
患疾顛畏死良可悲丈夫非瘖瘡何可同支離始志六百  
石進退脫銜羈顧盼躋端揆驤首希台司富貴偏人來婉  
變參璿璣從容入左腹語笑宜夸毗但見飽從諛誰復知  
瑕疵一朝榮華歇眾美成癡膩上尊兼養牛白馬相追隨  
門無青蠅弔魂有黃犬噉始悟斷其尾雞憚爲人犧端冕  
祝牢柵豢彘之所非

過虞姬墓

帳下歌殘菱玉枝紅顏何計戀烏騅君王事去惟憐妾豎

子名成欲向誰夜雨江空神女夢春蘭香歇杜鵑悲淒涼  
一種芳魂草猶傍嬋娟學舞時

過項王廟

中原逐鹿竟歸劉霸業從教一戰休龍虎早成天子氣侯  
王尙待故人頭河山有地封屠狗子弟無鄉望沐猴日暮  
江東何處是滿天風雨不勝愁

長干竹枝

楊柳春風拂小樓樓前終日看行舟悠悠一道秦淮水送  
盡離人到白頭

白門烏帽是儂良生是南人嫁北商羊酪胡葱都不愛碧  
甌親注火前香

羽獵曲

霜草寒枯萬木凋羽林三萬擊弓滿齊呼萬歲車輪落恰  
是君王箭中雕

羽騎貂裘朔雪飛連營虎落割鮮肥千行獵馬嘶風遠火  
照旌旄正夜圍

登樓懷劉三耕南

水煙寥廓數峯青何處孤鴻入杳冥一夜梅花江上落天  
涯曾向笛中聽

山行

百道飛泉噴雨珠春風窈窕綠薜蘿山田水滿秧鉞出一  
路斜陽聽鷓鴣

春日奉懷方高度丈

寂寥猶戀舊巢松卻望雲波晚更重甘載天涯悲老馬千

形勝集詩四卷十一  
金故技悔屠龍極憐人遠共明月無奈煙深隔暮鐘北郭  
溪光仍似昔春來惆悵憶攜筇

曉發荻港

蕭寺晨鐘歇殘星猶向曙涼風吹我襟蕭條櫂聲去沙禽  
拍浪飛漁父煙中語回首數峯青不見泊舟處

晚泊

折疊煙蓬住畫橈秣陵城下雨瀟瀟神鴉滿樹江祠晚正  
及東風上暮潮

送小坡之泉州

夢斷江南春月空蘭橈初動五更風鷓鴣聲裏迎梅雨如  
火山花發刺桐

送人

片帆迷望暮煙微楊柳青青乳燕飛江上鶯花人去夢山  
中笋蕨雨添肥初經世路偏宜拙乍得萍交亦當歸珍重  
天涯寒食近客程何日授春衣

塞下曲

孤城迢遞鬱嵯峨慷慨關山出塞歌萬里交河春草綠十  
年明月戍樓多胡兒驅馬來青塚羌女吹蘆牧紫駝五部  
名王歸漢闕白頭中夜幾摩娑

送周旭之還蘇州

江水碧無際扁舟欸乃遲花經寒食兩人負豔陽期落日  
要離墓春風短簿祠坐令芳草綠愁思怨班駝

清明前一日

時客  
白下

細雨清明節經旬客閉關潮通瓜步水春滿秣陵山南浦

江籬綠東皋雉子班田園村務急相待幾時還

書家書後

封罷虛堂思寂寥殘燈風幌影頻招用同泝泝求龜藥飽  
羨侏儒憶炙鴟故我依人從枳化新霜入鬢媿蟲雕輒紅  
自哂君何與葺帽鞭絲一樣飄

過舊家池館

坡陀殘照舊東岡簫管無聲竹樹荒兩部亂蛙喧曲榭一  
鉤新月浸方塘田文客去閒雞犬王氏兒從綴鳳凰卻向  
西風頻灑淚殷勤莫墜紫羅囊

家叔于巢以折枝蘭花贈方息翁息翁作歌張之壁  
間書一詩於後呈于巢

屈原已死瀟湘空蕙蘭不生芳草叢場來南阮蕭齋中美

人不見相思瘦一枝折贈秋風後夜雨西堂落紅豆我昔  
曾譜猗蘭篇空山鼓之誰與傳煩君更乞冰絲絃

送人歸里

我有一片石溪傍盛柳樹每臨春水生是我婆婆處君歸  
卸征鞍花落颺飛絮試來雨晴初憑看萬壑注

爲杭大宗編修題松吹讀書圖

傳柑節過樽疊空閉門三日號春風紙閣坐愁羸麈曲十  
指嗇縮僵寒蟲出門試望東華路車塵十丈何由通歸來  
卻理殘編麓自笑棲我蔀家屋硯花未泮冰池頑管城詎  
可三薰沐何來煙颺橫短幅孤茅隱見篋篲絨疎釵滿徑  
日絲微行素倒映鬚眉綠誰與兀坐華陽居摩丹漬墨刊  
豕鳥人生懽興詎有幾仰面屋梁愁著書令人東望增長



吁我少自省干時迂角觚歲月爭鱣魚一椽縛置岩堯隅  
其間雜樹楓楠楮七星五鬣章百餘扶苓化犬鳴躍躍白  
日不到跳鼪鼯禽聲上下歌嘯孤中有愚者山澤癯失計  
一墮長安衢猿鶴夢冷松竹蕪阿誰曾收保遜燭道上跛  
笑昌圖驢搜腸燃桂不堪煮長日邊腹空摩撫枉向樽前  
辨巉鬻浪與時賢分虎鼠從知簞扇負王摛當年麻炬欺  
法武曲江翰林轡龍文囊橐文雅馳英羣陳說潰剝披亂  
瓦螭坳載筆看日曛松風猶戀舊時聞畫圖髣髴蒼髯君  
我生愛接楊子雲問字頗思中壘歆松枝折塵談紛綸他  
時不速來殿殿

歲暮誦東坡除夜贈段屯田詩龍鍾三十九勞生已  
強半年與之齊時復同之感如何矣酒闌不寐因

次其韻

歲去如驚蛇修鱗強掣半未知來日歡空餘逝者歎濁酒  
不足傾殘書詎堪玩咄咄驥坂悲悠悠樗木散眼前冠蓋  
徒胸中釣遊伴轟輪送日月寒鴉信昏旦口涓茗酪器飯  
強羶腥案殘鐙字黠黠閭櫟風凌亂袒痕念故衣髮稀感  
新盟壯志汨卑陬深情昧堅緩醫非三折餘事經九變貫  
失志僮顏低疲策馬行懦坦抱未須柴膠口欲吞炭憐爾  
九垓步詫此尺棰館懷情滅聞見問心知冷暝何如歸故  
山一龕師摩粲

答客

自笑瘡聾亦舊徒山南山北謚公愚誰將天末驚弦翼擬  
作人間病顛駒新柳阿儺羞白髮崇桃夭灼記元都從來

花鳥屏風上不見扶鳩入畫圖

舊寺

記訪當年竺道生樵通之字路纔成白雲根下分溪色黃  
葉峰前出磬聲銓下談經拈小品階前墜果悟初耕重來  
千竹林中日知有迦陵識舊名

簡朱蘊千

二月春已半燕山雪正飛垂簾爐燄短破凍屐痕稀素髮  
行如此扁舟願尙違爲憐同病者腰帶幾移圍

題松雲聽梵圖

山茨濃嵐墮空綠午窗鳥嘯初夢熟角巾著屐村南亭時  
有白雲松際宿松風靜不語雲來無處所依微梵剎度遙  
音想見僧廊停粥鼓聲聞果中坐日晏松釵滿徑雲翳吐

心通那復折楊枝滿眼紛飛豆花雨

宿廬江

我老諳于役茲行意惘然非關筋力異祇與世情偏把卷  
忽自笑看山更晚妍平生似桃李寂寞竟何言  
默默從人事悠悠感歲年孤蓬還自振夕鳥羨歸便古驛  
深鐙出疎林落照圓辭家才百里一笑別情牽

雜詩

踰淮植南橘北土夸所奇經時感物化枳枸肖拳枝橘枳  
雖有異頗來眾禽棲當春發婀娜紛溶從風披鳴嘒協絲  
黃毛羽矜穉穉樹下一徘徊主人顏爲怡區區草木疏詎  
足分高卑養之至合抱慎勿召工師苟用充梁柱不覺酒  
味醱酒醱何足惜將令眾賓噉何如植中庭啾啾羣鳥嬉

形明卷言圖卷十一  
吾憐夏仲御散髮希黃虞苟充蠛蠹養何羨青紫紆一朝  
入京洛名動賈公閭宛轉飛鷁首跌蕩引鮪鯨河水詫清  
激小海徒歎歔嗟哉面目旋白汗竟何如靈談與鬼笑奚  
以喻丹珠

雜詩

爰居辭牢膳雕俎匪彘謀萬物各有適嗜好焉取儔山雞  
矜毛羽鏡舞不知休誰謂海鳥來鐘鼓齋煩憂嘗讀班生  
論棲隱希嚴周賜書旣滿家漁釣復優游以此辭韁鎖聖  
罔俱悠悠惜矣桓君山乃從糟粕求白頭不解事叩陛血  
盈頭申脰俯就鞅蹶足儕羈俘生逢建武世老傍公琴邱  
咄哉驕君餌志士良所羞

昭文理瑤瑟逸響振希微高音欽泰容甯爲清角悲元鶴

舞庭下游魚溯昆池巖巖崇山志浩浩滄海湄惜無中郎  
賞矧求鍾子知超超淪神域隱几遂忘機爲問曲終意端  
復有成虧

九月十洲過津門出頌嘉草堂圖屬題依韻卽送其  
南歸次章末句兼懷歐舫湘靈諸君

海水羣飛水倒流盲風怪雨移清秋阿連衝泥倦爲客老  
夫坐痺仍登樓焚枯酌醴且今夕春草原鴿應汝愁自分  
天涯同老馬何時浩蕩隨虛舟

和午莊城北郊游之作

浮鷗浴鷺共晴霄屐齒招邀斷續橋四野青塍分夏木亂  
山殘照送春瀾高吟好句千金價零落衰容五石瓢顧藉  
杯觥興未淺竹樓還待月中宵

偶過僧廬取殘經數帙北軒作歌見嘲蓋故甚其辭  
激余使有言爾然故有感於余心者作詩答之

君不見首楞嚴經藏龍宮龍勝默誦迦維通塞種誓禁傳  
震旦豈知破臂流華風又不見貞觀天子嗜牋翰蚪鳳蟠  
翔誇祕翫梁閒巧奪永和書酒醒驚詫蕭生謾嗚呼竊鉤  
者誅竊國王後世師之成律貫壑前藏舟夜半移上下千  
年可三歎我今衰鷺似田光忽忽頗效鼠銜薑夢中時有  
千里志不知臣精已銷忘挾莢游博兩何事臧穀一笑皆  
亡羊吁嗟乎八億四千萬卷西方經大海一滴存奇零隋  
家志乘開元錄迄今亦復同飄螢何人薪盡續餘燼竺蘭  
僧肇俱冥冥嘗聞葱嶺傳經日滴血爲書骨爲筆慈航東  
下白馬來累譯通之代增益堂上讀書輪扁譏古人已死

空餘迹西來大意況如何電光石火驚心疾殘帙區區類  
木佛燒取舍利甯獲一灰心結伴啞羊僧共向嵩南師面  
壁朝來展誦君新詩運斤妙契郢人質好手偷來狐白裘  
賞後吾從杼山律

歲暮行戲東北軒

歲云暮矣風蕭蕭飢烏繞樹窮昏朝北軒主人愁無聊此  
時徒有四壁立猶復五字七字頻推敲南鄰北里何宣驕  
狐貂進御臙臙脆繁聲姘態絲管嬌百萬標黃榜千萬懸  
紫標人生生活苟不匱錢愚何惜相譏僚君不見河南長  
者輸家半縣官下詔褒綸煥谷量牛馬烏氏僕朝請得立  
公卿坐平生豈無送窮篇鬼留不去燒車船杜陵老子傷  
貧病韋郎絕跡蓬蒿徑夜聞鄰家獲犀犬詰朝相逢面有



肥城志卷之十一  
視借錢勿問車子張此事說者誠荒唐一樽儒雅姑酬勸  
但勿歲朝捶如願

游山寺

山根雨氣愁冥冥山上日落石氣青何年荒客結茅屋已  
墾辣田成畦町鴨腳聲乾疑吠蛤殿頭佛燼縣秋螢老僧  
茶瓜喜客至更要九月鋤茯苓

登清苑縣城樓

重看長劍出鄉關輾輓單車道轉艱夢遠鶯花居上谷樓  
臨風雨望郎山驚心客燕逢春老回首長楸落日閒聞道  
卿雲皆屬御雷音新從上陵還

游金山同張樊川編修左鮑冲贊府家叔三崧同用  
東坡焦山韻

我性麇麇林壑耽北山之北南山南今年偶作韓江客九  
十日春驚過三故人招邀來京口游思勃起匡眼蠶眼中  
浮玉豁夙抱豈合猿鶴懷譏慙登舟笑歌風漠漠少選沈  
澗波潭潭岿堯琳宮未知處紅采翠氣交沈酣山靈自欣  
物外賞世土妄作區中談客來鶴鶴趨先路膠葛松桂穿  
雲龕蜂房羣僧留少憩一椀相屬中冷甘煙海茫茫島嶼  
列江天浩浩魚龍貪嵯峨上下匪一至短筇支徑吾猶堪  
迴颿惜未徧諸勝蒼蒼殘照懸孤菴

次韻答余荆帆

我愛楓溪物外賢新詩況復彥倫傳

謂元木

嘗疑煙霧掉頭

去爲復塵寰跛脚眠潛穎春風雙鬢晚落花殘照一樽前  
山中莫便從招隱恐費人間百萬錢

形鼎集言圖卷一  
十一  
春日游某氏園歸途作此寄駿生兄弟

緩轍平皋夕照深南雲相望一長吟  
梅桃九命閒居事牛鹿三車病後心  
極浦空村迷海氣亂帆迴樹動春陰  
羊何此日多佳興  
睨睨楊園悵鳥音

附家信後憶故山

角吹清秋闕穗鐙數番裁寄感何勝  
二三與馬成田伴八九逢人待杖興  
白首笙歌看異國青蠅天地憶良朋  
扁舟入手知何日澗壑扶筇恐未能

寄方寄巢四丈

鷓鴣舊憶城東宅蘿薜嘗深薊北情  
步履春風隨鳥語問花秋寺過牛鳴  
詩家眷屬何人似物外仙翁是地行  
爲謝長宗矜理窟

用簡文稱張憑語

碧山深處正聞鶯

題歐舫新詩時屆季冬栖息三慧菴相約蔬食習養生之術余未克赴也

急霰振嚴飈歲暮窮陰互擾擾人間世扇螢各奔趣吾亦驅其兒紛紜狗所務自省方寸閒何侶惡又聚緬懷餐霞人跂腳雲深處十笏青豆房三四寒梅樹惟有文字禪妙得無聲句望望煙樹重風雪橫溪渡

世間宦游人譬如陳肴餼芻豢日厭嘗溪毛登俎貴朝朝伊蒲饌放箸或一啣軒冕詠皋壤山林志茅簔所以邴仲容千載希風采先生善晚研江湖歸髣髴何處解脫食不攬四食味一卷山水音無盡煙霞氣

一室

一室還如五石瓠蕭然蓬徑亦江湖雞蟲得失時應了駒

犢紛紜谷自愚爭席不妨來舍者談王久已避樵夫年來  
南郭先生意總忘新吾與故吾

拄杖

十日冰漸繞舊磯漸看紅碧隱柴扉閒催稚子成雞柵亦  
學神農著馬衣前種天桃憐寸長初移鄰竹試新圍交頭  
拄杖無來往自數棲鴉早暮飛

金姓字雨叔號海住仁和人乾隆壬戌一甲一名進士  
授修撰官至禮部侍郎有靜廉齋詩集

詩話海住會試第一人魁天下同縣金楡門總憲嘗  
以彭青原方伯所贈狀元人仙杯貽海住海住女適  
汪康古吏部以杯侑奩外孫雲壑太史亦以會試  
第一人魁天下鄭炳也贊善爲賦詩稱爲盛事

卓文君印

錢刀總被土花侵鑄就琴心賣賦金留客正宜鈐酒券緘

情會與寄愁吟文園寂寞遺書少漢璽摧殘智井深一片  
王孫春草綠臨邛誰向壁邊尋

楊述曾字二思號企山陽湖人乾隆丙辰舉博學鴻詞

壬戌一甲二名進士授編修歷官侍講有使車集

詩話企山爲農先閩學子農先深於史學與修明史及明鑑綱目其孟鄰堂文集史例及明事至爲允當企山復與修通鑑綱目輯覽亦號精審傳詩不多頗見排纂未第時與從兄吾三同舉大科當時豔稱

### 題陸乾日隸書千文

秦時王次仲六書變體創八分梁初周散騎羲之碎字編  
千文羽人已化大鳥去侍郎鬢髮嗟如銀迢遙應千載源  
流一一區河汾八分鴻都石經後元常隼尾波勢尤超羣  
開元碑頌僅具體韓梁張史徒云云千文智永擅神妙八

百分散留江濱吳興王孫所傳十七卷俗書依仿贗本尤  
紛紛松陵陸子嗜古有奇癖蟲形鳥迹遠欲窺皇墳一丸  
隄糜作釜甲三寸柔翰供鋤耘京華旅食坐無事閒窗素  
紙舒羅紋割分篆隸綴晉字規撫曹蔡凌右軍當其捉腕  
時引而不發有如勁弩縣千斤及其縱手快盤空天矯有  
如鷲鳥摩秋雯倏如長矛掃鋒鏑突如巨石崩崖垠屹如  
巍堂列柱礎綿如遠岫霏煙雲攪張如怒羣龍奮鱗爪敷  
紛如綴百卉垂葩芬或如淇園風動千竹葉蕤蕤或如湘  
流帆轉九折波沄沄纖濃各意態直曲隨鋸斫含文復包  
質強力還豐筋書成應置國門外摹觀紙價逾元繡嗟予  
學奇觚拙手空辛勤華山岱嶽未經到邵陽酸棗憑傳聞  
元黃贖句兔園冊凡將急就同斷斷藉蛇縈蚓自噉笑偶

游燕市欣逢君一編示我插高架縹囊珍重薰香芸恍懸  
師宜帳疑曳羊欣裙何當數晨夕泥飲乘酣醺便從竊柑  
學梁鵠還持奇字師劉棻昨宵殘月正離畢飛雨飄雪雷  
砢礪曉來西山起晴色豁開東牖延朝昕摩挲舊籍忽三  
歎沈吟拂几心殷殷張生石鼓李潮篆杜詩韓筆萬丈光  
灼灼我生已晚學蕪劣文章豈直殊猶薰搖毫擲簡不知  
暮起看遙樹漠漠含斜曛

閻循琦字景韓號瑋庭昌樂人乾隆壬戌進士改庶吉  
士官至工部尚書諡恭定

詩話恭定散館改工部時李勤恪元亮爲尚書深賞  
之旋以監三殿工受知遷秩嘗知貢舉上問諸臣  
皆係奏科場事汝何獨無對曰則例極詳備能實力  
奉行已足不敢毛舉一二端自以爲曉事徒擾士子  
聽聞其持大體類如是



十一月十四日夜

夢回何處覓慈親白髮蕭條想像真貌瘦應知緣疾久心傷仍是為家貧空悲霜露魂千古虛掇科名子四人五鼎

三牲何所益難從泉下問前因

寶光鼎字元調號東臬諸城人乾隆壬戌進士改庶吉

士授編修官至左都御史有省吾齋集

詩話東臬素英邁嘗言士當求有用如昌黎折王庭  
奏陽明擒宸濠乃為真學問裕陵頗知之大考居  
下等特擢中允以副憲視學浙江還與刑部爭秋讞  
改京兆又以捕蝗與制府互訐罷起官宗丞者十年  
再視學浙江論州縣倉庫虧空復與疆吏相執奏為  
所中再罷再起又授宗丞貳春官三視學浙江入長  
御史臺典會試歸安王寶華以錡鳳丹以銜兄弟聯  
名榜首和相欲以此陷之廷試鳳丹第一為和相所  
定乃不能復有言然東臬卒以此鑄秩去官洪北江  
上成親王書謂東臬頗附和相和相方齟齬之不遑  
秦小峴已辨之是也

登五蓮山望海峯

諸峯皆斲絕東峯獨可上朝來緣翠微振衣披榛莽到頂  
得石棚小住騁遐賞東南指滄澗一氣接沆漭初暉散餘  
霞雲外浮晃朗想見至人心天淵與浩廣世路隘蝸角蠻  
觸各爭長而我於其間委懷任俯仰每慮尤悔集有如鳥  
避網適來豁達眸胸塵一滌盪卽此得元珠無勞問象罔

游天井

一名白龍潭

游子追險絕造物祕靈境始下九仙麓檻出書庫峯名頂詰  
曲度牛涇溪迴覺道永稍出石門隘已怖風色猛湍瀑會  
羣壑硤角刷諸嶺北匯二龍潭上者爲天井束練百丈懸  
扶雲雙塔迴勢挾河漢落氣浸毛髮冷環峯作藻幹圓亭  
絕縞練俯崖窺半壁陰鑑洞內景相傳是海眼地底通溟

萍有時沃驕陽霖雨應禱請沈性終不受澹瀕涵甯靜適  
來驚淵潛殷雷晨一警豈謂感鬼神茲游固多幸西暉餘  
照曜延佇惜俄頃

還自天井

日下扶雲峯山晚葉半赤返照翻過鳥暝色隨歸客徑滑  
容側足綫縷緣山脊詰曲已數盤直下猶千尺涼風吹我  
裳蕭蕭愁向夕野雉雊深草不知防彈射僕夫勿鹵莽行  
路有傾仄攬策出谷口山銜月已白

桐城道中懷劉耕南

野館回殘夢江鄉憶故人一官猶苜蓿三徑但松筠霧雨  
南溟路關山北峽春折梅未敢寄細把恐傷神

夜過彈子磯

日下碧峯暮山寒蒼鵲號江流催地轉石氣與天高直想  
移靈鷲何年斷巨鰲客帆不得泊敲枕送驚濤

登浴日亭次東坡韻

扶胥南下水如天倚棹孤亭黃木灣海外初收鰲背雨雲  
中稍辨虎頭山卽看銅鼓添沙稜豈有丹鑪駐玉顏我欲  
騎鯨攀若木徧懸五色十洲間

乙酉除夕

守歲鑪存火登盤味只辛卽辭今夕臘無那故園春盥薦  
添亡弟音書滯老親強歡裁吉語掩淚已霑巾

奉寬字彭民號栗齋又號碩亭滿洲旗人乾隆壬戌進  
士改庶吉士授檢討官至兵部侍郎贈尙書加太師

謚文勤

詩話碩亭直上齋嘗授仁宗讀登極後  
推恩舊學典隆重蓋列朝家法然也

八達嶺

笑兀一峯起迢迢向半空嶺頭揮落日關外度春風石路  
迴環步谿流宛轉通行人視楊柳羌笛暮煙中

游興

長日誰堪寂閉門青郊躡屐幾朝昏桃花楊柳灣灣路細  
雨微風處處村客肆逢春耽酒饌田家過社足雞豚漫游  
到處多行蹟芳草無端記履痕

李鈞簡字小松號秉和黃岡人乾隆己酉進士改庶吉  
士授編修歷官倉場侍郎降侍讀遷順天府尹光祿  
寺卿復降編修

寄彭秋潭大令

白雲西望鶴南飛江漢題襟舊紵衣每憶故人爲吏去深  
知詞客似君稀石顏峭處平開徑花氣和時靜掩扉漢代  
循良多輔相莫教容易賦山薇

送趙修撰出使琉球

封襲恩流海國春儒臣萬里捧絲綸扶桑東望經三島折  
柳南來傍七閩紙到雞林原有價槎回牛渚豈無津琉球  
此日爭先覩天子元年第一人

王太岳字基平號芥子定興人乾隆壬戌進士歷官雲  
南布政使降司業有青虛山房集

王蘭泉曰先生詩宗漢魏下  
及唐人醇古淡泊可稱高格  
詩話芥子早入詞林志在經世不以文學自囿後官  
平慶西安皆有惠政究心水利著涇渠志在滇疏陳  
銅政利弊其朝山吟有云銅山實厯階恨不爲  
原吟言之痛矣詩格清道駸駸及古粹然雅音

奉送杭堇浦前輩

脫我舊金貂去換湖邊酒感念生平恩揮涕紛隨手翰林  
故散地廩賜坐糜久畎畝一投身報恩空在口臣心百年  
中臣事千載後文章儻經國終然永高厚

黛流村新營所在

昔子點朝簪本自滄洲吏一辭京雒塵適會田園志卜築  
代巖棲嘉招慚遠至遂賃伯鸞春頗授揚雄字林間結架  
小郊扉能晝閉灌溉發陽翹荒粗豁蒙翳翦彼惡木蔭暢  
此芳菲意非惟娛徂年兼得閑外視扶杖聽風篁披襟納  
山翠片雨洗青天寥寥元古思

銅山吟一百二十韻

溟南僻絕徼四境無通津閭閻稀百貨糠覈供饗殮惟有

林麓富到處瞻嶙峋時於瘴氛外光氣疑金銀銅山列坑  
阜盤盤鬱青雲靈苗吐一綫中有不貲珍湯丹最雄厚竦  
處諸峯尊茂麓及落雪燦列三星文其餘復閒錯寶藏粉  
岩嶙青金次三品譁囂陋瑤琨元氣盛扶輿鍾此洱海潛  
神臬與天府甯復夸蜀秦粵稽此何始中天際昌辰皇風  
美物穆氓俗崇龐溘獄市一以寄府藏多朽陳貨惟惡棄  
地利卽常因民維茲天末產遠近初未聞取攜既不禁有  
無亦能均豪家徭糗糧貧子四體勤採爲冶鑄用利澤通  
無垠資此田布饒償彼萬用屯遂令荒瘠區熙熙日如春  
問此遵何術清淨無紛紜縱復遇貪墨民氣依然馴後始  
置官廠僅亦云司存偷奪豈不懲寬大固所敦征商比市  
易已責同券焚在綱識有條網漏舟還吞受值未及半奇



贏已多門公私兩給足歡然意交欣於戲又一時美善難  
具論豈惟寬得眾信亦均無貧大鈞有幹運時事旋臚輪  
赫赫李少保闕議排因循輟彼海道販易以滇產殷轉輸  
供九府歲倍百萬鈞下以減商負上以資俸緡挹注一轉  
手變通如有神滇銅從此著乞求斷戶隣近疆逼黔粵遠  
通漢渭濱各購巨萬計符牒日委填滇中官吏懦應命如  
響臻竭澤網鯤鰲非時窮斧斤日給猶不暇仰屋空吟呻  
譬如百金產飯飽衣粗温那堪一家食分減贍四鄰瓶罍  
日以罄脂膏日以腴坐看好家室終窶不自振官司勇從  
令疾苦疇咨詢鞭箠到班白逋逃動成羣大官號曉事封  
章徹天闕皇仁沛豐澤稠疊施醲醇三五老商客感泣沾  
裳巾皮骨幸猶在普當輸骸筋四遠召工匠要約爲弟昆

晨朝集洞口赤立褫衣裙箠鐙戴其首千仞窮冥昏銛鋒  
石齒觸斷壁苔斑捫當暑苦疫厲毒霧雜炎雰冬寒體生  
粟手龜足亦戰傾身營一飽忍飢還夕曛洞中况偪側氣  
咽不得伸上如緣垤蟻下如負山蚤偃僂如腫背慘黯如  
幽魂作勞豈不劇未死期酬恩昊天誠罔極軀命何足云  
鑛路日遠遠開鑿愁堅珉曩時一朝獲今且須浹旬材木  
又益詘山嶺童然髡始悔旦旦伐何以供竈薪奸商巧居  
奇析利爭狴狴膏油貴石髓菽粟珍蘭薰是物歎空乏百  
役來逡巡以茲艱採鍊動遭官府嗔假貸息倍稱剗肉猶  
瘡痕程課歲難副逋累陳相因路窮思變計由舊兼圖新  
窮山走暗夜望氣覘紛紜黃緣循鑛脈斧斲聲礚礚始焉  
見雞窠微茫辨胎渾尺寸稍進步快若王路遵半山阻石

硤縮手呼蒼旻幸而得堂鑛室家象漆漆歡呼山震動轉  
告川橫奔五體競投地至心禮能仁行當紆積困富與封  
侯倫鼓銳更深入氣奪千人軍豈知涌水出大隧驚淵淪  
前勞付一擲千萬爲沙塵況或山腹空崩頽斷雲根劃如  
土委地一斃數百人叢骸埋亂石隱隱成邱墳獸死息猶  
第鳥死哀鳴頻如何此奄忽寂寂聲響泯家遠莫聞知誰  
來薦溪蘋窮泉閉幽翳終古冤沈湮深宵聞鬼哭寒風閃  
陰燐吁嗟人命賤曾不如雞豚有生皆苦境厥民倍苦辛  
利被徧億兆不能庇一身禍先卽禍始倚伏理信眞銅山  
實階厲恨不爲原昫顧惟造化偉一物煩陶甄山海殖財  
貨豈以夾芸芸陰陽有翕闢息息相綿勻盡取不知節力  
足疲乾坤周京制圖法斯以關經綸生民共日用所貴利

溥存多寡有分數遠邇無畦畛劑量一失理悲樂區以分  
八政首食貨邦本念尤塵百姓苟不足何資奉君親我願  
司計吏治絲慎無芴錢幣誠所重民勞亦宜懂忍待盈科  
進長養春木芴阜成庶可致永永垂暮勳小子實孱劣守  
官祇恂恂憂心日如搗凋敝殊未竣願之增汗戰何以答  
聖君作詩論後來幸勿輕反脣

送李東木游盤山

李生抱奇不得試發憤秋風事幽討躍馬明時障塞閒看  
山獨走漁陽道貰酒清晨告我去苦道田盤水雲好白菊  
紅楓又一時仙枝可惜人閒老昨來客堂風雨寒窅然夢  
入畿東山青天夜垂鈴磬寂白霧晝捲林塘寬醒時茫茫  
面環堵尙認細路通孱顏豈無秦岱峯亦愛眺溟渤千里

東歸道路遲丹梯又得神靈窟會上重霄叫九閭怒牽龍  
虎施箠撻李生李生奈汝何向來哀樂如予多卽令林壑  
何地無十年舊夢還蹉跎借君長劍飲君酒登高念我重  
迴首

過百泉新莊留題便去

半生奔走窮南北四海無家著歸客欲尋邱壑聊放情來  
買百門泉上宅藥畦竹町喜粗具白水蒼葭更閒僻映簾  
芳草看羅生繞砌流泉分細脈北山鬱鬱屏障開雲氣漠  
漠穿窗來陰厓冒雨采石髮仄徑步月循蘭陔素琴書卷  
此堪託故鄉何必黃金臺幾時拂衣來濯足高枕一任年  
光催

戲贈劍亭

廣文官冷愁遭罵子更無堂堪繫馬杜陵幸可赴襟期得  
錢胡不同尊罍長安市兒厭葷羶欲學蠹附良無緣只有  
此中方一寸空洞尚可吞湘川憶君白哲方少年飛驥更  
著珊瑚鞭于今顛顛還踏蹬男兒意氣絕可憐霜髭向人  
顏已腴鷓鴣更欲爲誰典願君一室貯虛空塵土眯人牢  
閉眼

正月三日月

海嶠纖纖素東風迢遞吹雲霄迴望處天地側身時未信  
蛾眉嫉瞻言大藥遲冰霜新戰解仙桂恰全枝

春日就李東木孝廉館舍沽醉留詩

西家一步地爛著春風鞭我亦無著客君還乞酒錢好山  
支榻對遲日藉書眠頗怪便便腹長飢更幾年

形所卷言匯卷十一  
朱絃且輟奏白紵亦停吟尊酒了無悶春風相嚮斟修旻  
終古色殘草夕陽心譚讌珍元髮丹砂懶重尋

經橋山下寄懷一二游侶

尙識橋山路駢驂感舊經人衰霜徑草客散曙天星日暈  
嵐煙紫秋陰石氣青蕭條懷古意誰共叩巖扃

再至慈化寺花事已謝慨然成詠

也知銷歇易一見一依依豈謂尊前賞徒從雨後稀重逢  
應隔歲獨立又斜暉結習何年洗天花一任飛

邵荀慈生日卽席賦贈

落地情親好弟兄春風況欲動嚶鳴我今不樂看徂歲子  
更虛懷愛友生萬宇乍晴翔獨鶴百川齊下吸飢鯨憑君  
皓首崇明德予亦終留隱者名

揚馬親揚綺麗波斯文後死定誰何吾生得爾沾沾喜  
早歲論文憤憤多對客每爲支笏坐到門遙聽被衣歌夕陽  
酒盡重攜手會買青山共薜蘿

歸自東臬得顧密齋學士書口號卽寄

看徧秋山又獨歸松林樵徑晚風微寒原漠漠耕人語煙  
渚沈沈浴鷺飛最有遠心當暮景共誰盡醉典春衣集賢  
舊侶能相問人在東臬賦采薇

早過潼關呈屠參政

日上關門宿霧收角聲悲壯肅高秋山連二華橫秦塞水  
控三川下豫州行處牛羊成聚落人家雞犬共林邱風流  
翰與屠夫子深坐溪亭理釣鉤

鄭虎文字炳也號誠齋秀水人乾隆壬戌進士改庶吉



士授編修厯官左贊善有吞松閣集

詩話誠齋少孤母病禱於神請減齡益母算母病遂  
廖事兄如父無諸姪諸甥如子分衣共爨數十年如  
一日通籍後出典河南鄉試督學湖廣廣東衡文兼  
取眾長士論翕然歸之素以經濟自負嘗謂縣令切  
近民易知民閭疾苦一令賢則一縣治天下之  
令賢則天下治故願爲知縣不欲以詩名也

古詩爲蜀中戴烈婦謝氏賦

皎皎雲際月萬里來峨嵋峨嵋鬱重掩偏照無圓輝殘光  
下孤塚有女泣且悲念女出野里少小罹閔凶隨兄奉寡  
母去楚來蜀中十四識操作十五工裁縫十六及十七習  
禮知修容十八爲新婦百年從此期提甕事曉汲拾柴備  
晨炊飢春盎中粟寒織機中絲怡然適荆布羅綺不復施  
亦有膏與沐教妾若爲妾亦有鳧與雁與郎重相宜白首  
願終託恩愛兩不疑那知郎遽疾沈綿實難爲回頭聽郎

語執手淚不止恨我命短淺不得相終始自卿來吾家貧  
賤爲汝恥誤汝好青春恩情付流水勉事新所歡薄劣不  
足齒新婦得聞之涕淚相淪漣哽咽方出語謂言君母然  
憶昨奉君子纏綿出心肝君甯不鑿妾妾身忍獨全生不  
共依倚死當永周旋郎君含淚謝氣絕不得言搥牀便大  
慟聞者鼻爲酸翦卻耳後珠爲郎作口含煎湯替郎浴一  
一親手湔冠裳至履屨灰炭同衾棺事事俱在心周匝千  
萬端三朝大殮畢五日佛事完爲郎卜吉地送葬城之南  
歸來掩總帳月暗風娟娟兄公忽見誚謂汝絕年少來日  
苦正多無兒待誰靠况本非貴族應不醜再醮汝意將何  
從曷且爲吾告新婦仰首答理實如所云骨肉奈未冷斯  
言何忍聞請當暫還家勿復煩紛紜還家跪白母浪浪涕

沾胸念女出野里少小罹閔凶隨兄奉寡母去楚來蜀中  
不圖至今日復累母與兄母爲嶺頭石兒爲礪底藤將藤  
依盤石生死永不更阿兄得聞之悵然問阿母妹來欲何  
云茲焉豈堪久人生重富貴恩義難卒守昔我致不察一  
誤適戴某今果復來還此事良不偶阿母謂阿兄凡事須  
三思兄言不煩爾事非母所知東鄰竊聞信便遣媒人來  
云有蔣家子妙年二十纔渾身豔羅縠照耀驚同儕時時  
跨鞍馬觀者每塞街頗識閨中秀願言求合才阿兄大歡  
喜舉手謝媒人幼妹方新寡議婚得高門明日七月盡八  
月及上旬便可行六禮永訂百歲姻越日日良吉壓壓人  
語誼闐門咽鼓樂絡繹如犇湍流蘇結步障旖旎關精妍  
錦段數百疋疋疋紅羅纏珠光爛盈目奇隙充金盤阿女

長跪問問母何事故母乃兄不令以女委朝露盤石苟變  
遷孤藤此焉附嶺頭與礪底斯言未朝暮阿母謂阿女汝  
兄實爲此定不相虧負慎勿重覩縷阿女掩面泣氣咽聲  
不揚默念延視息苟且圖終喪今既見逼迫賫志不得將  
徘徊對明鏡流塵暗容光纖纖出素手盈盈具蘭湯潔身  
恥含垢新浴成嚴妝抽取髻上鍼拈取篋中綫淚作密綫  
牽鍼鍼刺腸斷上襦接下裳紉成合一片維時近中秋明  
月將就圓團團下庭砌脈脈經前軒低頭拜明月願母千  
萬年康強保多福永永如南山有女不卒養中道忍棄捐  
怨兒不孝罪飲恨歸黃泉潛身出門去舊路夙所諳行行  
覓孤塚青松已丸丸殘螢點衰草涼露團秋煙聞寂墓門  
合明滅鬼火然搶地呼不應渺焉竟長眠妾生爲郎主妾

死成荒阡中元及寒食麥飯誰與傳從容出白練三尺冰  
絲寒織作雙鴛鴦覆以並蒂蓮可憐合歡帶乃爲今日緣  
迴身掛樹杪月落峨眉巔

再和山樓初成原韻

遶岫青排闥寒江曲抱樓客心自朝暮秋色與沈浮雨點  
平沙烏雲移極浦舟誰將摩詰畫相待少文游

永順府閒述

斗大一城耳森然萬壑秋有山皆絕壁無水不懸流虛牝  
風聲怒山作怒瀾聲晴空霧氣稠客身憂瘴厲九月已重  
裘彌日風乃作

山外原無地山頭尙有田刀耕農當鍤火種野多煙灌溉  
難爲力柴枯只問天傳聞春夏日比歲雨綿綿

民勤憐俗儉婦女共耕樵露粟腰鎌刈山蔬背籠上聲挑珥  
渾垂臂釧裳偶節鮫綃蓬跣慙相顧逢人欲諱苗  
頗愛民風古猶欣士習淳到知官吏重誦得是非眞耕鑿  
皆安土文章不致身恍遊懷葛世絕勝武陵春

邵齊燾字苟慈號叔山昭文人乾隆壬戌進士改庶吉  
士授編修有玉芝堂集

詩話叔山爲東漢六朝初唐之文詩沖淡閒適如瘦  
竹幽花儻然相對如蘅園云平隄如帶隨疎柳落日  
銜山繫客舟贈雪林上人云松子落時經院靜天花  
雨處石苔斑皆名雋可喜寄黃信生云欲識花磚消  
息否閉門清書似山林紀恩云不是歌  
閒戀魚鳥要存足答清時俱饒逸致

蘅園

帆開京口向揚州郊外園亭得勝游池上修廊循野岸花  
間曲磴接飛樓平隄似帶隨疎柳落日銜山繫客舟回首

鄉關不知處海天無際暮雲愁

贈拈花寺二憨上人

野性吾儕近秋光此地宜淵明新入社文暢舊能詩踏蘚  
澆荒圃栽花護短籬涼風北窗下閒意幾人知

九月十九日出都別友

鷄鷓愁鐘鼓麋鹿思長林奈何抱拙訥久此玷華簪罷秩  
歸溫清曲成恩已深征橈候秋澁楓岸日蕭森十年舊倫  
好樽酒敘離襟驂駢儼就路觴至不暇斟投分知有別不  
謂已在今登車一灑涕所感非升沈假足歡遺草分山愴  
完禽久敦四海敬能無歧路心向者並游樂於茲渺難尋  
寡過諒所期山阿佇嘉音

雨中別以銅

會難恨別遽冒雨一相送既乏杯酒敘仍阻游屐從空對  
雜花飄時聞一禽唳欲辭復少留道孤覺交重濯纓已類  
李彈冠長異貢守拙易索居耽靜俱違眾愁心共雲遠還  
舫隨波動羣山江上青何處牽離夢

登焦山

晨霽東涉江金焦儼在目兩山出中流相對屹雙角平生  
愛奇心選勝避習熟未暇汲中冷竭來問修竹昔賢於此  
栖爲遠軒車辱登巖拜遺祠高風滿崖谷大江抱山流連  
天入遐矚山花潤新雨江風鳴古木卜築吾未能游目意  
亦足迴帆向金山飛檐接雲屋樓觀何耽耽儻非山所欲  
邊睨焦洞煙一拳波上綠

哭芝山



弱冠升朝列冊府掌朝玉清標潔冰雪勝抱陶卷軸一朝  
墮塵埃黽勉親案牘側身俗吏中卑栖乖素蓄漸萌競進  
圖隨眾更陸陸豈忘止足分所覲脫銜束中道逢賞音拂  
拭能羽肉意氣徒傾人冒進詎爲福君房自罹憲安仁竟  
遭戮殉惠迷所守希榮乃招辱乘田與士師賢聖有遺躅  
如何忽斯義援上務欲速哀哉金玉躬一誤不可贖

茫茫十年別相思各天涯祇謂川路遙詎期死生乖存不  
遊一塗沒不撫爾骸修短誠有期難爲故人懷況子抱不  
測憔悴委窮埃嚴霜一以零微藿無全芟孤魂飄異香零  
落重我哀念昔少年日結契在金階達識祛所滯清言意  
多諧誓同影與形投分異羣儕歡娛幾何時逝景不我迴  
痛哉山陽笛已矣令心摧

九月十九將赴湖南夜發

爲有南征約殘秋別故山  
籬花猶燦燦葉漸斑斑  
明月隨帆去長空送雁還  
三湘渺何許萬里碧雲間

姚功公池上集

三十年前舊友稀一樽還喜共晴暉  
興來不覺風吹帽話久方知露溼衣  
籬下晚花邀客醉溪頭涼月送人歸  
拒霜開日仍留約如此清秋願莫違

贈東塔寺雪林上人

一村桑苧水灣環瓶鉢蕭然寄此閒  
松子落時經院靜天花雨處石苔斑  
不離塵市心常定偶寫雲泉意自閒  
他日扁舟泛滄海欲參庭柏叩禪關

杜若拙字遜翁又號舫山平陸人乾隆壬戌進士改庶

吉士授編修有舫山堂園居詩草

園居

年來疎懶謝寒暄門掩青蘿自一村短句閒吟聊遣興危  
機防蹈欲無言時煩狎鳥窺檐際且喜新苔汲屐痕流水  
半灣容小隱旁人錯認武陵源

熊爲霖字浣青新建人乾隆壬戌進士改庶吉士授檢  
討有鶴嶠詩鈔

訪山谷先生雙井故居有感

一月分甯客載訪涪翁居轉徑入幽邃煙水開林於灣勢  
迴明月泱泱天曠如石壁裂斧劈石棧盤空虛酌我雙井  
泉臺上窺游魚遺址委榛莽約略存階除豐碑不可讀字  
剝苔蘚餘野老指陳迹一一爲嗟吁先輩一坏土楓葉吹

遠廬文章不可死故宅無完區再拜想元祐篤影清扶疏  
白楊枯蕭蕭天籟生長嘯

壘拙留別盛于野

君將老劍谷我亦歸緱山山谷有真性白雲爲往還殷勤  
飲我酒爲我彈猗蘭酒力生春風天地回朱顏元音在正  
始變徵還無端惓惓向中夜月落疎林寒且復酌我酒莫  
言行路難

望湖亭放歌

山前半倚楊柳灣山後壁立蒼厓寒就中亭子開八面望  
湖展作汪洋觀天風振蕩不可象雪濤亂吼銀花團左出  
彭蠡右襄漢千里一瀉無遮欄朱漑揚灑出左臂爭奇扼  
要當雄關將軍血食踞絕頂建瓴陡健飛曠吮蜈蚣火焰

日青紫山水盪屋迴波攢蛟龍戰鬪迷窟宅懸空蜃氣飛  
輪盤險駭不敢立正視天鵬斜掠無停翰匡廬對面疊屏  
嶂三十六扇如琬剡迷離物色忽收卷五老鬚眉愁諦看  
香爐過雨紫煙溼千年不與銷龍鷲水簾瀑布失神奧約  
略意相存飛湍有時風日兩清廓魚鱗細浪鋪青紉螺墩  
島嶼天布置翠黛薄點玻璃珎漁歌唱晚一聲笛宛然人  
在滄浪閒我欲沽酒醉亭上秋風爲我開心顏割然長嘯  
振八溟十指酒力鳴珊珊丈夫應具此眼界不勞杖履窮  
躋攀且與狂題雪色壁扁舟一葉長空還

華嚴洞

古壑藏天地雲裁不壞根有誰驅鬼斧或恐到桃源雪滴  
乳花瘦苔寒鳥迹昏窮幽託元賞秉炬一追捫

下清浪灘

揚颿愛風駛下瀨喜灘急龍涎激秋雨濺使青天溼操縱  
勞長年屏息蒼鷹立一石振一篙心手妙相入借勢得分  
寸雷車翻歙歙弄雪跳珠花卧聽鮫人泣

李應熙字屯庵興國人乾隆壬戌進士改庶吉士有鐵  
甕集

楓林

一壑秋容瘦霜天半欲紅遠郊分野色病葉怯高風與影  
飄寒藻將心託塞鴻日斜頻俯首生意感飛蓬

國棟字雲浦一字時齋滿洲旗人乾隆壬戌進士歷官  
安徽布政使有時齋偶存詩鈔

練潭

澄江曾一到常憶謝元暉今宿寒潭上猶疑灞浹歸天青  
雙鷺下風急片帆飛料得殘宵夢惟應傍翠微

徐浩字飛山天津人乾隆壬戌進士歷官山西冀甯道

春晚

薰籠欲撤五更難小試春衫被體單淺綠未回楊柳岸新  
紅空憶海棠欄冷傳雁信書猶遠凍寫魚牋墨未乾昨夜  
東風何處雨關心樓外杏花寒

李棠字召林號竹溪河間人乾隆壬戌進士官惠州知

府有思樹軒詩藁

詩話作溪詩旨清婉少時與同里戈氏昆季結香泉  
詩社後與袁簡齋同出鄧遜齋廷尉之門及官江南  
時相唱酬歿後簡齋爲作墓志舉其政績又稱其守  
惠州歸贈詩云此行曾向食泉過留得冰心見故人  
謂能不愧此言

秋日登燕子磯

東南奇跡眞無數燕子飛來江水頭雲影天光俱入畫  
蘆花楓葉不勝秋空添過客登臨興誰限長江日夜流六代  
興衰悲建業煙波依舊使人愁

慶似村一枝書屋看竹

幽人抱勁節讀書不干祿釜內雖無糧園中卻有竹不惜  
培護勤博此一窗綠不翦亦不鋤生意青郁郁

題詩望江南每在竹深處以彼萬竿直方此數莖露多寡  
雖不敵蒼翠自成趣到來生隱心欲去頻回顧徙倚重徘徊  
徧此是西州路

李化楠字讓齋羅江人乾隆壬戌進士官保安同知有

萬善堂詩



詩話讓齋爲雨村之父平生以詩爲性命雖簿書期會馬足車塵之間未嘗廢吟詠詩以性靈爲主其種田戶欠民糧皆學香山新樂府也

游石經寺

自錦官城踏翠回山齋小蔭暫徘徊蒼生怪我卧不起白  
眼向人懷未開穿洞渾疑無路轉沿江疊見有花開邇來  
一洗愁無奈放眼煙霞亦快哉

五丁關

雷風震蕩鬼夜哭壯士奮怒山爲卻手擘鐵崖兩扇開神  
工不用施椎鑿美女金牛事有無天教破險通秦蜀迤邐  
峽盡見雄關關封峽口如泥丸造化融液相綴補塲沙櫻  
土堆蒼巒我行觀山心已厭惟有茲山看不倦沿溪翠篠  
綠沾衣匝地野花紅拂面良牧有意誇山靈標題舊蹟建

茶亭當年若無霹靂手至今何人知五丁

七盤關

游客思家萬里還艱難初上七盤山鳥嗥絕谷深難見猿  
上懸梯近可攀西指鸞叢開蜀道北通雲棧鎖秦關幸逢  
老叟聞鄉語強破愁懷一笑顏

龍洞背

怪石突兀山嵯峨濺濺流沫車輪過但覺風聲四山下那  
知腳底龍騰梭石竇塊開水鳴湑土人云是龍所闢龍能  
致水信有之謂龍開山恐未必連峯不礙水歸東乾坤特  
與一竅通鬼斧神工都不用龍來恰好作潭洞君不見瞿  
唐峽口劍門關倚天峭壁青巉巉是龍非龍誰鑄劔

五月五日劍關阻雨

劍門關下一夜雨飛泉倒捲長松舞溪漲塗泥不可行恰  
當此處逢端午男兒墮地走年年迴首庭前榴樹邊題詩  
縱酒酣歌笑看花瞻柳共留連而今寂寞山中路山樹淒  
迷半煙霧小市菖蒲無可尋鬪草兒童入山去

猛虎行

暗風慘慘入林壑噴霧藏煙日色薄危坡直下二十里雲  
水陰寒氣參錯驀地如雷吼一聲行客輒戰不能行公然  
白晝攫人食負嵎咆哮誰敢攫居人惶怖路人苦傳聞共  
道山有虎我來經過問居民兩縣誰歟實守土人惡害人  
當卽除虎惡比人定何如居民答言縣官好政簡刑清民  
不擾朝朝驅虎北渡河山中猛虎還更多

自廣元縣至朝天關道中作

始發自龍門絕壁痕如削懸崖多佛像不知何年鑿江水  
傍崖趨激越鳴蹊壑杈天半石向人頭上落金鼈亦有  
背飛仙尙留閣怪石浮江湍孤根潛水窟行當絕險處顧  
盼生駭愕似人立舟中虛蕩難穩著行行登山椒始覺天  
宇廓雄關扼形勝煙光浩漠漠性僻愛奇險幽居苦蕭索  
茲來得壯觀耳目因寄託

王化堡

生來死往迭相送塵埃野馬浮生共世人都在夢中過那  
向夢中還說夢盧生黃梁眾所嗤人人盧生自不知榮華  
富貴都在念何當只說盧生癡人生出處計已審蕭然一  
榻只甘寢此中炯炯自分明不勞道士授磁枕

北柵口

孤城頽廢沒荒榛白日寒多不見春窮巷未消連夜雪殘  
鐙還照隔年人關門自古通沙漠邊塞而今盡僕臣城下  
將軍無所事相逢一笑勸杯頻

莊綸渭字對樵號葦塘武進人乾隆壬戌進士官甯州

知州有問義軒詩鈔

詩話吧山楊樹曾序其集謂其勤於吏事民生利害  
雖無瑰璋之作尚不失爲學人吐屬卒之前一月手  
自澄汰定爲詩草二卷蓋願自矜慎也

郭璞墓

一江劃斷天南北古墓爭傳郭景純今日經過私借問索

還江管贈何人

楊忠愍公祠

鈴山岡上勢如焚，獨剖丹心報大君。  
漢殿已無辛慶忌，阿誰流血救朱雲。

田志隆字晉三號葛侶大興人乾隆壬戌進士官凌雲  
知縣有研悅堂詩草

戒詩

歲歲征塵類轉蓬，青藜無分悔雕蟲。  
直須老去何曾細，未必窮來便得工。  
江上漫尋楓葉冷，梁間休覩燕泥空。  
數莖髭斷腰圍瘦，擬倩殘毫退夢中。

漢陽旅舍書懷

秋光馬上半消磨，旅味濃於宦味多。  
小鳥暫窺溫室樹，輕舟重泛洞庭波。  
山雲似墨心疑瘴，人語初蠻聽每訛。  
卻憶晴川芳草句，我才不及且狂歌。

廖運芳字湘芷龍南人乾隆壬戌進士

玉石上巖

何人隨手抉空冥劃斷雲崖半壁青松響未妨溪性寂石  
虛應識地根靈朝鐘散食猿分鉢暮磬關門鹿守扃最愛  
玉簾垂紫乳曉窗飛霧灑清冷

晚步南郊過浮杯精舍

古林深寂抱江干風物蕭疎畫亦難亂水穿籬秋後漲殘  
雲抱樹雨餘山一杯聊遣閒中興雙屐還尋竹裏關歸路  
恰乘漁艇便釣竿插住看孱顏

郭浚字昆甫善化人乾隆甲子舉人官國子監助教有

羅洋詩草

詩話昆甫所居曰羅洋因自號羅洋山人舉鄉試第  
一應舉文尤擅場亦名羅洋草一時傳誦詩隱秀有

風致

平林

平林忽已暝，山猶夕陽閒。  
從石橋西迤，遞春渡旁。  
長風送孤鳥，飛沒遙天。  
蒼樵子待船歸，坐息偃樹。  
僵落景入潭，碧水相與忘。  
驚波忽蕩漾，看人釣垂楊。

漂母祠

淮陰不侯，母不祀。一飯王孫，千萬世。施不望報，良獨難能。  
哀王孫，詎云易英雄。落魄何代無，往者子胥亡入吳。瀨上  
之女還捐軀，邈然望古精魂俱。我來把榼凌珠湖，天風渺  
渺吹菰蒲。嗚呼英雄落魄，何代無。

舟發潭城

江色明如練，微雲澹遠空。  
懸崖晴帶雨，行榼水生風。  
岸草



和煙綠山花綴雨紅夕陽波浩浩飛鳥自西東

暮歸

睡起看雲又別峯一年春事漫怱怱牆桑葉密能催雨溪  
柳花多不定風伏枕故人來眼底卷書餘味在胸中生涯  
未便空山了閒倚村扉送遠鴻

襄樊書感

太平未復此陵遲楚客臨流極望悲山雨後收羊叔淚水  
雲先謁米公祠一圍草樹迷孤館四野蒿萊沒斷陂我愛  
暮帆風色冷滿城燈火渡江時

獨立

獨立荒苔上蒼茫遠樹齊白雲飛不盡零落數峯西  
同年舒伯董招至合水得絕句

出門愛山翠時對春風坐多年老鶴聲忽向空中墮

黃道慤字敬之號藏山甯鄉人乾隆甲子舉人官福建  
永春同知有南六堂詩草

舟夜不寐

客睡只如此其如夜久何古人方秉燭吾意欲高歌坐賈  
喧開闢行人喚渡河披衣攬春色征路感蹉跎

采石磯登太白酒樓

蛾眉一簇曲江邊樓枕江開別一天片石常懷仙磊落殘  
樽孤負月嬋娟登臨莫惜非吾土景物還應似昔年記得  
來時山色暝疏鐘打破翠螺煙

劉臻字凝之號筠谷諸城人乾隆甲子舉人官定海知  
縣有筠谷詩略遺澤草堂集

自高涪東壩泛舟小溪趨溧陽

不信前溪渡漁舸可徑通幾灣瓜蔓水一翦柳絲風海燕  
翻波慣吳兒拍棹工客心孤絕處天末有歸鴻

顧邦英字浴者漢軍旗人乾隆甲子舉人官懷柔知縣  
有雲川詩藁

對酒呈親舊

山城秋雨歇官舍晚煙開峯影窗前落河聲雲外來故人  
多卓犖攜手共徘徊何以酬清夕黃花酒一杯

天壽山

十三峯勢望中分賸水殘山倚夕曛古道秋燐飛碧草荒  
陵石馬卧寒雲黃中作難終亡漢白馬遺封尙祀殷惆悵  
百年無故老憑誰指點說遺聞

懷朱子穎

天涯風雨怨離羣  
雁塞秋深倍憶君  
故國夢迷芳草路  
孤舟人隔大江雲  
津亭漁火窗中見  
秋浦潮聲月下聞  
莫怪登樓情不禁  
關山黃葉正紛紛

彭坊字禮崇一字儀岳衡山人乾隆甲子舉人官浦江知縣有瓦卮集

武勝關

北極星辰近南關  
楚豫連危巖依老樹  
石壁削青天路險  
鴻濛闢叢深鳥雀穿  
居民談古寨指點亂山前

過巖子陵釣臺

豈徒東漢開名節  
孺立頑廉百世師  
隱士性能專一郡  
故人書不答多詞  
雲山江水全無恙  
斷碣殘跡儘足支  
歎息

清忠同一轍西臺有記字淋漓

晚晴移詩匯卷七十七終